

李

永  
隹



李氏蒙求集註序

後唐日新李氏撰蒙求一書取材正史而以四言韻語出之俾童蒙之士便於成誦而隱以洽聞殫見之資易其謏陋空疎之習誠善本也是書舊有注且有徐子光補注行世既久坊賈取其簡而易售並原注與徐注去之其所存者僅韻語焉耳噫山都下邑窮鄉僻壤之士目不睹全史而欲咨遺訓訪故實其孰從而求之北新城楊君未禪少讀此書久而不能去諸懷惜其注之湮沒也爰於聽政之暇博稽載籍而補註之一人之生平一事之終始考之不厭其詳且

李氏蒙求集註序

一

因人與事連類相及者亦爲疏通證明而不敢畧友千百古人於方冊之內羅二十一史於數卷之中

內有

引及元明人著述者

是註出而旁搜博考之勞可無事矣其便

於讀者何如或謂昔程子見人讀史以爲玩物喪志茲册所載皆史事得毋難免於譏乎不知程子之言裁抑學者貪多務博之弊也夫專恃記問以爲能而致忘身心性命之學誠爲喪志矣若夫荒經蔑古束書不觀豈程子之所望於學者哉又况多學而識者下學之所以達多識前言往行者君子之所以畜德然則是注也淺之爲詞章記誦之需深之則古今

得失成敗之林舉於是乎在豈第童蒙學古之津逮  
抑亦儒者治世治身之龜鑑也君爲刺史有循名而  
嗜古之心老而彌篤是注成於官蓬州日距今十餘  
稔矣而君日手一卷無間於初古所謂仕不廢學者  
惟君有焉君纂茂州志成曾屬余敍之今以刊布是  
書復來索敍余旣喜注之有裨於初學而又嘉君好  
學之不倦也謹爲弁言於簡首

道光十四年孟秋月桐城李宗傳序

李氏蒙求集註序

世之不掩人善靡恃己長而惟思嘉惠後學者非心之虛而公莫能也觀於未禪先生之註釋李氏蒙求一書穆然想見其用心昔先生於嘉慶丙寅旣與其友陳漁浦輩取楚南曠太史敏本所著之岫嶼鑑撮刊布吾蜀矣嗣因漁浦攜板東歸於戊寅又復割俸重鈔序以公世而未已也又取李氏蒙求爲之註釋時出特見以破疑團攜至龍郡囑基校閱行將付梓焉是何心哉夫蒙求固李氏所手成也先生旣以儷體太約詳爲釋之胸中武庫可以概想且心亦良苦

李氏蒙求集註

序

一

卽更立主名與之爭美奚爲不可先生顧抑抑焉若懼人不知其出於李氏也者且先生自嘉慶丙辰入蜀爾來三十餘年矣由作宰而擢牧所經半多邊瘠而宦橐又每耗於購書嗜古之餘而茲又欲廣前所編輯其尋源也如探星宿其刊謬也如掃敗葉其卓見如懸室燈推其心不過冀在後之侗緣以汲古或醞釀而成通儒耳豈非心之至虛且公絕近名之念以蒙養爲汲汲哉子輿氏有曰取諸人以爲善是與人爲善者也故君子莫大乎與人爲善噫微斯人其

誰與歸

道光四年冬十月 彭門後學左基撰

李氏蒙求集註

序



二

李氏蒙求輯註序

易曰蒙以養正聖功也紫陽朱子與劉子澄著小學一書特舉古人事蹟列諸外篇於蒙養之道可謂深切而著明矣顧載籍極博求所謂多識前言往行以畜其德者莫如石晉李瀚蒙求一書瀚爲李勉之族官翰林學士見桑維翰傳其書取經籍所載事蹟類爲四言韻語對偶成文以便童蒙記誦故曰蒙求繼此宋王逢原有十七史蒙求劉班有兩漢蒙求方逢辰有名物蒙求元陳櫟有歷代蒙求胡炳文有純正蒙求明姚孝祚有廣蒙求他如元舒天民之六藝綱目宋黃繼善之史學提要均以四言協韻雖不名蒙求亦蒙求類也而最先而最著者莫如李氏蒙求誠端蒙之善本也第其書徵引浩博非註不明陳振孫書錄題解稱蒙求註八卷宋徐子光撰以李氏蒙求句爲之註本句之外兼及他事宋史藝文志所載卷數亦同今蒙求有單行本而徐註恒不多見學者病焉吾友未禪牧伯函覽既廣攷覈復精尤慤慤然以蒙養爲念案牘之暇手自纂輯爲註窮流溯源條分而縷析之自經史子集外凡有裨於考証者莫不博採以盡其辭旁引以極其致比類以窮其變辨論以

李氏蒙求集註

序

三

折其衷其所以爲養正計者爲何如哉他日獲徐子  
光註較之當有過之無不及者書成屬爲之序顧予  
竊以爲六藝綱目與史學提要二書一則本保氏六  
藝之文一則括歷代史事之要其書舊皆有註誠得  
合而梓之以授蒙士則於經史子集均可得其大要  
尤足爲養正之津梁焉未禪於李氏蒙求輯註旣成  
有急圖剞劂不肯畱爲枕中秘者故序其崖略而併  
爲之廣其意云

道光十年歲次庚寅二月旣望年愚弟王夢庚譔

李氏蒙求集註

序

四

李氏蒙求集註自序

余年六歲入學讀過王伯厚先生三字經師卽授以王逢原先生十七史蒙求以其有注而易解也秀水朱甫田有跋云蒙求之書非一種其便於幼學記誦者惟李氏澣及王先生令二書爲最善李氏蒙求舊板罕存坊間所刻止取其總目而刪去其注淺學塾師何從講肄蓋可憾矣是有目無注之李氏蒙求爾時坊間尙有售者迄今又將百年竝此亦不易見矣其憾更爲何如壬午入都晤舊友顧山瓢談及此書欲注之而未就山瓢旋之官山左余亦歸蓬舊任地

李氏蒙求集註

序

五

偏事簡案牘無多遂繙閱羣書一一補注學淺識陋未必及徐子光所注之精核而一知半解亦未始於幼學無補考李澣字日新後唐天成中擢進士第仕石晉所著有丁年集王明清揮塵後錄云五代李澣與弟澣俱負才望澣仕石晉爲內相耶律德光犯京師虜之以歸仕契丹亦顯宋史載澣幼聰敏慕王楊盧駱爲文章後代唐侍郎楊凝式撰錢鏐王神道碑文彩迺麗時輩稱之此其蒙求一書所以珍重於世而載在全唐詩後也注成不過粗示兒輩而親朋乃愆憑付梓因序其略其中有函覽所未到望高明



家隨時更正至或因類而及或復注其所注誠欲引  
幼學於博雅非好爲繁蕪挂一漏萬之譏奚辭焉顧  
斯書之注端啟山瓢乃以宦轍分馳不獲同堂是正  
又不知山瓢公餘之暇曾否注及乎此或注之而嗜  
好攸殊當必有同異他日郵致一編知土壤細流必  
不爲秦山河海所讓擇庶幾共釋此憾耳

道光三年春正月上浣書於蓬州官署之顏石山房  
後學北新城聞甫氏楊迦憚

晁氏志蒙求三卷唐李瀚撰纂經傳善惡事實類者  
兩兩相比爲韻語取童蒙求我之義名其書蓋以教  
學童云補注蒙求八卷陳氏曰徐子光撰以李瀚蒙  
求句爲之注本句之外兼取其它人事按蒙求共七  
十五章章八句末一章四句前四十二章以平上平  
去平入相間後三十三章以平上去入相間今仍作  
八卷第一第二第三三卷皆十二章第四卷六章第  
五第六第七三卷皆八章第八卷九章

李氏蒙求集註

序

李氏蒙求總目

後學北新城楊迦憚集注



第一卷十二章

平上平去平入  
平上平去平入

王戎簡要

裴楷清通

孔明臥龍

呂望非熊

楊震關西

丁寬易東

謝安高潔

王導公忠

匡衡鑿壁

孫敬閉戶

郅都蒼鷹

甯成乳虎

周嵩狼抗

梁冀跋扈

郝超髯參

王珣短簿

伏波標柱

博望尋河

李陵初詩

田橫感歌

武仲不休

士衡患多

桓譚非讖

王商止訛

嵇呂命駕

孔程傾蓋

劇孟一敵

周處三害

胡廣補闕

袁安倚賴

黃霸政殊

梁習治最

李氏蒙求集註

目錄

一

墨子悲絲

楊朱泣歧

朱博烏集

蕭芝雉隨

杜后生齒

靈王出髭

賈誼忌鵬

莊周畏犧

燕昭築臺

鄭莊置驛

瓘靖二妙

岳湛連璧

郊誥一枝

戴憑重席

鄒陽長裾

王符逢掖

鳴鶴日下

士龍雲閒

晉宣狼顧

漢祖龍顏

鮑靚記井

羊祜識環

仲容青雲

叔夜玉山

毛義捧檄

子路負米

江革忠孝

王覽友弟

蕭何定律

孫叔制禮

葛豐刺舉

息躬歷詆

管寧割席

和嶠專車

時苗畱犢

牟續懸魚

樊噲排闥

辛毘引裾

孫楚漱石

郝隆曬書

枚臯詣闕 充國自贊 王衍風鑑 許劭月旦

賀循儒宗 孫綽才冠 太叔辨洽 摯仲辭翰

山濤識量 毛玠公方 袁盎卻座 衛瓘撫床

于公高門 曹參趣裝 庶女振風 鄒衍降霜

范丹生塵 晏嬰脫粟 詰汾興魏 鼂靈王蜀

不疑誤金 卞和泣玉 檀卿沐猴 謝尚鳴鶴

第二卷 十二章 平上平去平入

秦初日月 季野陽秋 荀陳德星 李郭仙舟

王忱繡被 張氏金鈎 丁公遽戮 雍齒先侯

陳雷膠漆 范張雞黍 周侯山嶷 會稽霞舉

李氏蒙求集註 目錄 二

季布一諾 阮瞻三語 郭文游山 袁宏泊渚

黃琬對日 秦宓論天 孟軻養素 揚雄草元

向秀聞笛 伯牙絕絃 郭槐白屈 南郡猶憐

魯恭馴雉 宗均去獸 廣客蛇影 殷師牛鬪

元禮模楷 季彥領袖 魯褒錢神 崔烈銅臭

梁竦廟食 趙溫雄飛 枚乘蒲輪 鄭均白衣

陵母伏劍 軻親斷機 齊后破環 謝女解圍

鑿齒尺牘 荀勗音律 胡威推綫 陸績懷橘

羅含吞鳥 江淹夢筆 李廌清貞 劉麟高率

蔣詡三徑 許由一瓢 楊僕移關 杜預建橋

壽王議鼎

杜林駁堯

西施捧心

孫壽折腰

靈輒扶輪

魏顆結草

逸少傾寫

平子絕倒

澹臺毀壁

子罕辭寶

東平爲善

司馬稱好

公超霧市

魯般雲梯

田單火牛

江道燕雞

蔡裔殞盜

張遼止啼

陳平多轍

李廣成蹊

陳遵投轄

山簡倒載

淵客泣珠

交甫解佩

龔勝不屈

孫寶自効

呂安題鳳

子猷訪戴

董宣彊項

翟璜直言

紀昌貫蝨

養由號猿

馮衍歸里

張昭塞門

蘇韶靈鬼

盧充幽婚

震畏四知

秉去三惑

柳下直道

叔敖陰德

李氏蒙求集註

目錄

三

張湯巧詆

杜周深刻

三王尹京

二鮑糾慝

第三卷

十二章

平上平去平入

孫康映雪

車允聚螢

李充四部

井春五經

谷永筆札

顧愷丹青

戴逵破琴

謝敷應星

阮宣杖頭

畢卓饔下

文伯羞鬘

孟宗寄鮓

史丹青蒲

張湛白馬

隱之感鄰

王修輟社

阮放八雋

江泉四凶

華歆忤旨

陳羣蹙容

王濬懸刀

丁固生松

姜維膽斗

盧植音鐘

桓溫奇骨

鄧艾大志

楊修捷對

羅友默記

杜康造酒

倉頡制字

樛里智囊

邊韶經笥

滕公佳城 王果石崖 買妻恥醜 澤室犯齋

馬后大練 孟光荆釵 顏叔秉燭 宋宏不諧

鄧通銅山 郭況金穴 秦彭攀轅 侯霸臥轍

淳于炙輞 彥國吐屑 太真玉臺 武子金埒

巫馬戴星 宓賤彈琴 郝廉畱錢 雷義送金

逢萌挂冠 胡昭投簪 王喬雙鳧 華陀五禽

程邈隸書 史籀大篆 王承魚盜 丙吉牛喘

賈琮褰帷 郭賀露冕 馮媛當熊 班女辭輦

王充閱市 董子下帷 平叔傅粉 宏治凝脂

楊生黃雀 毛子白龜 宿瘤采桑 漆室憂葵

韋賢滿籬 夏侯拾芥 阮簡曠達 袁眈俊邁

蘇武持節 鄭眾不拜 郭巨將坑 董永自賣

仲連蹈海 范蠡泛湖 文寶緝柳 溫舒截蒲

伯道無兒 嵇紹不孤 綠珠墜樓 文君當盧

伊尹負鼎 甯戚叩角 趙壹坎壈 顏駟蹇絆

龔遂勸農 文翁興學 晏御揚揚 五鹿嶽嶽

第四卷第六章 平上平去平入

蕭朱結綬 王貢彈冠 龐統展驥 仇覽棲鸞

葛亮顧廬 韓信升壇 王裒柏慘 閔損衣單

蒙恬製筆 蔡倫造紙 孔伋緼袍 祭遵布被

周公握髮

蔡邕倒屣

王敦傾室

紀瞻出妓

暴勝持斧

張綱埋輪

靈運曲笠

林宗折巾

屈原澤畔

漁父江濱

魏勃掃門

潘岳望塵

京房推律

翼奉觀性

甘寧奢侈

陸凱貴盛

干木富義

於陵辭聘

元凱傳癖

伯英草聖

馮異大樹

千秋小車

漂母進食

孫鍾設瓜

壺公謫天

荀訓歷家

劉元刮席

晉惠聞墓

伊籍一拜

酈生長揖

馬安四至

應璩三人

郭解借交

朱家脫急

虞延尅期

盛吉垂泣

第五卷

八章

平上去入

李氏蒙求集註

目錄

五

豫讓吞炭

鉏麴觸槐

阮孚蠟屐

祖約好財

初平起石

左慈擲杯

武陵桃源

劉阮天台

王儉墜車

褚淵落水

季倫錦障

春申珠履

甄后出拜

劉楨平視

胡嬪爭携

晉武傷指

石慶數馬

孔光溫樹

翟湯隱操

許詢勝具

優旃滑稽

落下歷數

曼容自免

子平畢娶

師曠清耳

離婁明目

仲文照鏡

臨江折軸

藥巴嚙酒

偃師舞木

德潤傭書

君平賣卜

叔寶玉潤

彥輔冰清

衛后髮鬢

飛燕體輕

元石沈湎

劉伶解醒

趙勝謝甃

楚莊絕纓

惡來多力 飛廉善走 趙孟疵面 田駢天口

張憑理窟 裴頴談藪 仲宣獨步 子建八斗

廣漢鈞距 宏羊心計 衛青拜幕 去病辭第

酈寄賣友 紀信詐帝 濟叔不癡 周兄無慧

虞卿擔簦 蘇章負笈 南風擲孕 商受斯涉

廣德從橋 君章拒獵 應奉五行 安世三篋

第六卷 八章 平上去入

相如題柱 終軍棄繻 孫晨藁席 原憲桑樞

端木辭金 鍾離委珠 季札挂劍 徐穉致芻

朱雲折檻 申屠斷鞅 衛玠羊車 王恭鶴氅

李氏蒙求集註 目錄 六

管仲隨馬 蒼舒稱象 丁蘭刻木 伯俞泣杖

陳達豪爽 田方簡傲 黃向訪主 陳寔遺盜

龐儉鑿井 陰方祀竈 韓壽竊香 王濛市帽

句踐投醪 陸抗嘗藥 孔愉放龜 張顥墮鵲

田豫儉素 李恂清約 義縱攻剽 周陽暴虐

孟陽擲瓦 賈氏如臯 顏回簞瓢 仲蔚蓬蒿

糜竺收資 桓景登高 雷煥送劍 呂虔佩刀

老萊斑衣 黃香扇枕 王祥守柰 蔡順分樾

淮南食時 左思十稔 劉惔傾釀 孝伯痛飲

女媧補天 長房縮地 季珪士首 長孺國器



陸玩無人 賈詡非次 何晏神伏 郭奕心醉  
常林帶經 高鳳漂麥 孟嘉落帽 庾敳墮幘  
龍逢板出 張華台垢 董奉活變 扁鵲起號

第七卷八章

平上去入  
平上去入

寇恂借一 何武去思 韓子孤憤 梁鴻五噫

蔡琰辨琴 王粲覆碁 西門投巫 何謙焚祠

孟嘗還珠 劉昆反火 姜肱共被 孔融讓果

端康相代 亮陟隔座 趙倫鷓怪 梁孝牛禍

桓典避馬 王尊叱馭 鼂錯峭直 趙禹廉倨

亮遺巾幘 備失匕箸 張翰適意 陶潛歸去

李蒙求集註

目錄

七

魏儲南館 漢相東閣 楚元置醴 陳蕃下榻

廣利泉湧 王霸冰合 孔融座滿 鄭崇門雜

張堪折轅 周鎮漏船 郭伋竹馬 劉寬蒲鞭

許史侯盛 韋平相延 雍伯種玉 黃尋飛錢

王允千里 黃憲萬頃 虞驥才望 戴淵鋒穎

史魚黜殯 子囊城郢 戴封積薪 耿恭拜井

汲黯開倉 馮驩折券 齊景馴千 何曾食萬

顧榮錫灸 田文比飯 稚珪蛙鳴 彥倫鶴怨

廉頗負荆 須賈擢髮 孔翊絕書 申嘉私謁

淵明把菊 眞長望月 子房取履 釋之結韞

第八卷九章

平上去入

末章平

郭丹約關

祖逖誓江

賈逵問事

許慎無雙

婁敬和親

白起坑降

蕭史鳳臺

宋宗雞窻

王陽囊衣

馬援薏苡

劉整交質

五倫十起

張敞畫眉

謝鯤折齒

盛彥感螻

姜詩躍鯉

宗資主諾

成瑨坐嘯

伯成辭耕

嚴陵去釣

董遇三餘

譙周獨笑

將閭仰天

王陵呼廟

二疏散金

陸賈分橐

慈明八龍

禰衡一鶚

不占隕車

子雲投閣

魏舒堂堂

周舍諤諤

無鹽如漆

姑射若冰

邾子投火

王思怒蠅

李氏蒙求集註

目錄

八

苻朗皁白

易牙淄澠

周勃織薄

灌嬰販繪

馬良白眉

阮籍青眼

黥布開關

張良燒棧

陳遺飯感

陶侃酒限

楚昭萍實

束皙竹簡

曼倩三冬

陳思七步

劉寵一錢

廉范五袴

汜毓字孤

郗鑒吐哺

苟弟轉酷

嚴母掃墓

洪喬擲水

陳泰挂壁

王述忿捐

荀粲惑溺

宋女愈謹

敬姜猶績

鮑昭篇翰

陳琳書檄

浩浩萬古

不可備甄

芟繁撫華

爾曹勉旃

李氏蒙求卷一

後學北新城楊迦懌集註

山左尹竹農先生鑒定

安州麗澤氏王邛州友于氏胡

兌校

對讀書

王戎簡要裴楷清通

宋臨川王劉義慶世說新語王濬沖裴叔則二人

總角見鍾士季去後客問鍾曰向二童何如鍾曰

裴楷清通王戎簡要後二十年此二人當為吏部

尚書爾時天下無復滯才又云鍾士季曰王安豐

阿戎了解人意吏部郎闕文帝問其人於鍾鍾

曰裴楷清通王戎簡要皆其選也帝用裴

注諸書皆云鍾

李氏蒙求集註卷一

會薦裴楷王戎於晉文王文王辟以為掾不聞為

吏部郎傳暢晉諸公贊曰戎字濬沖瑯琊人太

保祥宗族也晉踐祚累遷荆州刺史以平吳功封

安豐侯性簡要不治儀望自遇甚薄而產業過豐

論者以為台輔之望不足魏志曰鍾會字士季

繇之少子也敏慧夙成中護軍蔣濟著論謂觀其

眸子足以知人會年五歲繇遣見濟濟甚異之曰

非常人也及壯有才數精練明理累遷黃門侍郎

諸葛誕反文王征之會謀居多時人謂之子房拜

鎮西將軍伐蜀蜀平進位司徒自謂功名蓋世不

可復為持此欲安歸乎遂謀反見誅時年四十文

帝司馬 晉書列傳裴楷字叔則河東聞喜人明

悟有識量弱冠知名尤精老易少與王戎齊名鍾

會薦之於文帝辟相國掾遷尚書郎吏部郎闕文

帝問其人於鍾會會曰裴楷清通王戎簡要皆其

選也。於是。以楷爲吏部郎。世說諸名士共至洛水。戲還樂令問王夷甫曰。今日戲樂乎。王曰。裴僕射善談名理。混混有雅致。張茂先論史。漢靡靡可聽。我與王安豐說。延陵子房亦超超元箸。晉書戎爲人短小。任率不修威儀。善發談論。賞其要會。朝賢嘗上已。祿洛或問。王濟曰。昨游有何言談。濟曰。張華善說史。漢裴頠論前。言往。行衮衮所賞。如此。談子房。季札之間。超元箸。其爲識鑑。所賞。如此。按二書所說不同。周官曰。女巫掌歲時。祓除。豐診。鄭元云。如今三月。上巳。水上之類也。晉祕書監司馬彪續漢書曰。三月上巳。宮人皆絜於東流水上。自洗濯。祓除。爲大絜也。四庫書曰。云世說新語本名。世說新書後相沿稱新語。遂不可復正。

### 孔明臥龍呂望非熊

晉太子中庶子陳壽蜀志諸葛亮字孔明瑯琊南

陽人躬耕隴畝好爲梁父吟每自比管仲樂毅時

### 李氏蒙求集註卷一

人莫之許也。惟博陵崔州平。潁川徐庶。元直。與亮友善。謂爲信然。時先主屯新野。徐庶見先主。先主器之。謂先主曰。諸葛孔明者。臥龍也。將軍豈願見之乎。先主曰。君與俱來。庶曰。此人可就見。不可屈致也。將軍宜枉駕顧之。由是先主遂詣亮。凡三往。

乃見。崔氏譜州平太尉烈子均之弟也。漢晉春。秋諸葛亮家於南陽之鄧縣。在襄陽城西。西二十里。號曰隆中。宋殷芸小說諸葛武侯射耕於

南陽。南陽是襄陽。墟名。非南陽郡也。襄陽記曰。劉備訪世事於司馬德操。德操曰。儒生俗士。豈識

時務。識時務者。有乎。俊傑此間。自有伏龍鳳雛。備問爲誰。曰。諸葛孔明。龐士元也。世說諸葛瑾弟

亮及從弟誕。並有盛名。各在一國。於時以爲蜀得其龍。吳得其虎。魏得其狗。誕在魏。與夏侯元齊名。

瑾在吳。吳朝服其宏量。吳志瑾字子瑜。其先葛

李氏蒙求集註卷一

三

氏瑯琊諸縣人後徙陽都陽都先有姓葛者時人謂之諸葛因爲氏後漢馬略閉戶讀書十年不出三日一食時人謂之潛龍此在臥龍之前按

梁父吟云步出齊東門遙望蕩陰里中有三墳壘壘正相似問是誰家子田疆古冶氏力能排南山文能絕地紀一朝被讒言二桃殺三士誰能爲此謀相國齊晏子張平子四愁詩一思曰我所思

功成則東封太山故思之太山以喻時君梁父以喻小人也梁父太山下小山諸葛武侯好爲梁父吟恐取此義二桃殺三士詳晏子春秋王隱晉書曰陳壽字承祚巴西安漢人好學善著述仕至

中庶子父喪有疾使婢丸藥鄉黨以爲貶議坐是沈滯初壽父爲馬謖參軍諸葛亮誅謖髡其父亮

子瞻又輕壽故壽撰蜀志以愛憎爲評世說陳壽將爲國志謂丁梁州曰若覓千斛米見借當爲

尊公作佳傳丁不與米遂不爲立傳時論以此少才博學洽聞建安中爲黃門侍郎王伯厚困學紀聞劉允濟曰班生受金陳壽求米原注受金事

未詳集證北周書柳虬傳班固致受金之名陳壽有求米之論史通曲筆篇班固受金而始書陳壽借米而方傳槐按文心雕龍史傳篇序班固述漢

云遺親攘美之罪徵賄鬻筆之愆公理辯之究矣是孟堅當無受金之事又考陳壽傳有謂丁廙子

覓千斛米丁不與竟不立傳之說但有或云二字或之者疑之也恐承祚事亦未可盡信槐黃岡

萬希槐尉亭氏也北史魏收傳初收在神武時爲太常少卿修國史得陽休之助因梁尙書僕

謝休之曰無以謝德當爲卿作佳傳射沈約宋書符瑞志王將收史編卜之曰將大獲

非熊非羆天遺汝師以佐昌臣太祖史疇爲禹卜

畋得臯陶其兆如此王至於礪溪之水呂尙釣於

涯王下趨拜曰望公七年乃今見光景於斯尙立

變名答曰望釣得玉璜其文要曰姬受命昌來提

撰爾雒鈴報在齊尙出遊見赤人自雒出授尙書

命曰呂佐昌者子漢中書令司馬遷史記齊太公

漁釣奸周西伯將出獵卜之曰所獲非龍非虺非

虎非羆所獲霸王之輔於是西伯獵果遇尙於渭

之陽與語大悅曰自吾先君太公曰當有聖人適

公望載與俱歸立為師注奸于也虺一作螭或作

非熊按後漢書崔駰傳注引史記非虎非羆則作

也六韜云文王將田史編布卜曰田於渭陽將

大得焉非龍非虺非虎非羆兆得公侯天遺汝師

以之佐昌施及三王文選李蕭遠運命篇注引

六韜云非熊非羆非虎非狼兆得公侯天遺汝師

狼不叶韻恐誤太公姓姜名尚字子牙其先四嶽

封於呂故氏呂太公六韜第一霸典文論第五豹韜

師武論第三龍韜主將第四虎韜偏裨文論第五豹韜

校尉第六犬韜司馬宋葉大慶榮甫攷古質疑

吳氏漫錄云豫章漁父詩范蠡歸來思狡兔呂公

何意兆非熊又巖居大士是龍象草堂丈人非熊

羆按六韜史記非龍非羆非虎非羆無熊字恐豫

李氏蒙求集註卷一

章別有所本大慶觀李翰蒙求云呂望非熊徐狀

元補注且引後漢崔駰傳注云西伯出獵卜之曰

所獲非龍非虺非虎非羆所謂非熊蓋本於此然

六韜及史記本是虎字唐人多作非熊杜詩田獵

舊非熊又夔府秋日書懷云熊羆載呂望鴻雁美

周宣白氏六帖於熊部獵部卜部皆作非熊非羆

蓋虎字乃唐高祖諱所以章懷注東漢書雖引史

記之文特改非熊之字杜甫李翰白居易皆唐人

也故相傳皆作非熊而豫章亦本諸此而已何必

更別求所本哉或謂漢桓寬鹽鐵論云起礮溪熊

羆之士則漢人固嘗以熊羆為言豈必因國諱而

改蓋熊羆乃世之常言如詩云維熊維羆書云如

熊如羆又云則亦有熊羆之士故人皆以熊羆為

言至於特改非虎為非熊實起於唐也若夫李善

注文選其於賓戲則引史記曰所獲非龍非虺非

熊非羆於非有先生論則引六韜曰非熊非羆非

虎非狼其實非史記六韜之文特彷彿記憶而為

之注耳不足為據也聞甫氏曰葉氏攷古之論

可為詳矣但謂唐人改虎為熊洵為國諱而梁沈約之修宋書將為誰諱李善邕之父亦唐人修之因注文選又何以不諱意者前人之書後人修之因為當代所諱而改或者書經翻刻不免魯魚亥豕抑或著作家乘輿奮筆未加細訂因而錯訛此乃事所常有即如葉氏所稱李翰蒙求翰本名澣韻府既於澣部收之矣而翰部亦收之葉氏又書為翰虎唐高祖收父之名葉氏誤為高祖諱葉氏講後考証豈復出此自是傳寫之謬則六韜史記及宋孫逢吉職官分紀澣洗濯也雖集韻澣澣二字相通但以其字曰日新考其義從澣為是周字從用口高祖父名虎

楊震關西丁寬易東

宋太子詹事范蔚宗晔後漢書列傳楊震字伯起

宏農華陰人少好學受歐陽尚書於太常桓郁明

李氏蒙求集註

卷一

五

經博覽無不窮究諸儒為之語曰關西孔子楊伯

起嘗客居於湖有冠雀銜三鱸魚飛集講堂前都

講取魚進曰蛇鱸者卿大夫服之象也數三者法

三台也先生其自此升矣顏氏家訓後漢書云鶴

鱸鮓之鱸俗之學士因謂之鱸魚按魏武食制鱸

魚大如五斗匱長一丈郭璞注爾雅鱸長二三丈

安有鶴雀能勝一者况三頭乎鱸又純灰色無文

章也鱸魚長者不過三尺大者不過三指黃地黑

文故都講云地鱸卿大夫服之象鱸漢書及韓非

說苑皆曰鱸似地並作鱸字假鱸字為鱸字其來

久矣三詩碩人鱸鮓發釋文鱸大魚口在領下

長二三丈江南呼為黃魚本傳注冠音貫即鶴

雀也三顏之推臨沂人字子分協之子博識才辨

由待詔文林館遷散騎侍郎齊亡入周為御史上

士開皇中召為文學深見禮重尋以疾終有文集

三十卷家訓二十篇竝傳於世 漢護軍班固漢書儒林傳丁寬

字子襄梁人初項生從田何學易寬為項生從者

讀易精敏材過項生遂事何學成何謝寬東歸

何謂門人曰易以東矣何謝寬注師古曰告令罷去

東無足問者乃西入關事馬融及歸融曰鄭生今

去吾道東矣南史張敷性整貴風韻甚高好讀

元言兼屬文論父邵使與南陽高士宗少文談繫

象往復數番少文每欲屈握塵尾歎曰吾道東矣

宋史楊時調官不赴以師禮見程顥於潁

昌相得甚權其歸也顥目送之曰吾道南矣

謝安高潔王導公忠

謝安高潔王導公忠

晉謝安字安石尚從弟也神識沈敏風宇條暢寓

居會稽與王羲之及高陽許詢桑門支遁遊處出

則漁弋山水入則言詠屬文無處世意隱居東山

累辟不就放情邱壑而自有公輔之望文字志曰謝安奕弟

也桓彝見其四歲時稱之曰此兒風神秀徹當繼

蹤王東海善行書累遷太保錄尚書事贈太傅

說文稽從禾從尤旨聲自為部徐註木之曲上也

尤者異也禾有所異處必稽考之即遲留也按字

典收入禾部今從禾世說謝公在東山朝命屢

降而不動後出為桓溫司馬高靈倚醉戲曰卿高

臥東山諸人每相語安石不肯出將如蒼生何今

應經太子出北城門笑而不答行趨涅槃也梁肅

謂沙門對曰沙門之為道舍妻子捐棄愛欲也僧

肇維摩經注沙門秦言義訓勤行趨涅槃也梁肅

王如來畫像贊不始不終不淨不垢不邊不中是

為涅槃佛說四十二章經辭親出家識心達本

解無為法名曰沙門涅槃梵語華言示寂也佛

說施燈文云願一切眾生皆得涅槃微妙光明言

至涅槃者乃有微妙光明世人認以為死非也



晉王導字茂宏，覽之孫也。元帝爲瑯琊王，與導素相親善。導知天下已亂，遂傾心推奉。帝亦雅相器重。桓彝初過江，往見導，極談世事，還謂周顛曰：「向見管夷吾，無復憂矣。」過江人士，每出新亭飲宴，顛於坐中歎曰：「風景不殊，舉目有江山之異，皆相視流涕。」導變色曰：「當共戮力王室，克復神州，何至作楚囚相對泣耶？」眾謝之。及至敦反，帝憂憤成疾，崩。司空王導受遺詔輔政。太子紹卽位，是爲明帝。帝加導大都督，討敦。導聞敦疾篤，帥子弟爲敦發哀。眾以敦信死，咸有奮志。乃騰詔列敦罪惡，敦怒。

病轉篤，使王含錢鳳帥眾向京師。含奄至江寧，帝

親率諸軍襲擊破之。敦尋卒，鳳伏誅。乃取敦屍斬

之。世說溫嶠初爲劉琨使來過江，於時江左營建

始爾，綱紀未舉，溫新至，深有諸慮。既謁王丞相

陳主，上幽越社稷，焚滅山陵，夷毀之，酷有黍離之

痛。溫忠慨深烈，言與泗俱。丞相亦與之對泣。敘情

既畢，便深自陳。結丞相亦厚相酬納。既出，權然言

曰：「江左自有管夷吾，此復何憂？」語林曰：「初，溫公

奉使勸進，晉王大集賓客，見之，溫公始入，姿形甚

陋，合坐盡驚。既坐，陳說九服，分崩，皇室弛絕，晉王

君臣莫不歔噓及言。天下深相付託，無公既見，丞相

踴躍植髮，穿冠王丞相深相付託，無公既見，丞相

便游樂，不住曰：「既見管仲，天下深相付託，無公既見，

吾字仲，其父名山，亦字仲見陳心，叔名疑，管夷

之丹陽，記曰：「新亭吳舊立，先基崩淪，隆安中，丹陽

尹司馬恢之徙創今地。春秋傳曰：「楚伐鄭，諸侯

救之，鄭執郟公鍾儀獻晉。景公觀軍府見而問曰：

南冠而縶者爲誰？有司對曰：「楚囚也。」使稅之，問其

族對曰伶人也能為樂乎曰先父之職敢有二事  
與之琴操南音范文子曰楚囚君子也樂操土風  
不忘舊也君盍歸之以合晉楚之成按謝安王  
導傳贊竝無高潔公忠語不知出於何書俟考

### 匡衡鑿壁孫敬閉戶

漢大中大夫劉歆西京雜記匡衡勤學而無燭鄰  
舍有燭而不逮衡乃穿壁引其光以書映光而讀  
之邑人大姓文不識家富多書衡乃與其傭作而  
不求償主人怪問之衡曰願得主人書遍讀之主

人感歎資給以書遂成大學

前漢書列傳匡衡字

世農夫至衡好學家貧傭作以供資用尤精力過  
絕人諸儒為之語曰無說詩匡鼎來匡說詩解人  
頤張晏曰匡衡少時字鼎長乃易字雅圭世所  
傳衡與貢禹書上言衡報下言匡鼎白知是字也

### 李氏蒙求集註卷一

八

衡字從角大俗作魚非

宋黃伯思東觀餘論

跋西京雜記云此書中事皆劉歆所記葛稚川采

之以補班史之闕耳段成式曰庾信作詩每用

西京雜記事旋自追改曰此吳均語恐不足用也

史記甘茂曰臣聞貧人女與富人女會績貧人

女曰我無以買燭而子之燭光幸有餘子牙分我

餘光無損子明而得一斯便焉戰國策甘茂亡

秦且之齊出關遇蘇子曰君聞江上之處女乎蘇

子曰不聞曰夫江上之處女有家貧而無燭者處

女相與語欲去之無燭者謂處女曰妾以無燭故

常先為子掃室布席何愛於餘明之照四壁者幸

以賜妾處女相語以為然而畱之今臣不肖棄逐

於秦而出關願為足下晉張方賢楚國先賢傳  
掃室布席幸勿我逐也

孫敬字文寶入太學常閉戶讀書精力過人欲睡  
則以繩繫髮懸頭於梁上以自課太學謂曰閉戶

生入市市人謂曰閉戶生來不忍欺也

崔鴻前秦錄姜宇字

子居每夜讀書睡則懸頭於屋梁達旦而止  
一書張方賢作張方無賢字未知孰是

### 郅都蒼鷹甯成乳虎

前漢酷吏傳郅都河東大陽人景帝時爲中郎將  
遷爲中尉是時民樸畏罪自重而都獨先嚴酷行  
法不避貴戚列侯宗室見都側目而視號曰蒼鷹  
戰國策要離之刺慶忌也蒼鷹擊於殿上蒼鷹老  
鷹也其性犖猛故以爲喻 濟南關氏宗人三百  
餘家豪猾二千石莫能制郅都爲濟南守至  
則誅關氏首惡郡中路不拾遺都後竟坐斬 史  
記酷吏傳甯成南陽穰人也以郎謁者事景帝好  
氣爲人小吏必陵其長吏爲人上操下如束溼薪  
滑賊任威矜遷至濟南都尉而郅都爲守郅都死

### 李氏蒙求集註

卷一

九

上召甯成爲中尉宗室豪桀皆人人惴恐武帝卽  
位徙爲內史外戚多毀成之短抵罪髡鉗義縱傳  
甯成家居上欲以爲郡守御史大夫宏曰臣居山  
東爲小吏時甯成爲濟南都尉其治如狼牧羊成  
不可使治民上乃拜成爲關都尉歲餘關東吏隸

郡國出入關者號曰寧見乳虎無值甯成之怒桀

通淮南子秦族訓智過萬人者謂之英千人者謂  
之後百人者謂之豪十人者謂之桀 史記注隸

閭也漢書云歲餘關吏稅隸注李奇曰隸閭也考  
字典隸字無閭字一解當是傳寫有誤乳虎注師

古曰猛獸產乳養護其子則搏噬過常故以喻也  
宏公孫宏也後漢樊豐字仲華新野人爲天水

太守政嚴猛涼州爲之歌曰游子常苦貪力子天  
所富寧見乳虎穴不入冀府寺大笑期必死忿怒

或見置嗟我樊府君安可再遭值舊唐書屈突  
通傳通為右武侯車騎將軍奉公正直雖親戚犯  
法無所縱捨弟蓋為長安令亦以嚴整知名時人  
為之語曰寧食三年艾不見屈突蓋寧食三斗葱  
不逢屈突通為人所忌憚如此又楊炯傳伯祖  
虞威虞威子德幹高宗末歷澤齊汴相四州刺史  
治有威名郡人為之語曰寧食三斗蒜不逢楊德  
幹唐書權德恩傳擢萬年令賞罰明見惡即取  
時語曰寧食三斗塵無逢權德恩宋史韓縝傳  
以天章閣待制知秦州嘗宴客夜歸指使傳劫被  
酒誤隨入州宅與侍妾遇縝怒令軍校以鐵裹杖  
箠殺之勅妻持血衣搗登聞鼓以訴坐落職分司  
南京秦人曰寧見乳虎莫逢玉汝其暴酷如此玉  
汝縝字溼俗作濕徐鉉曰今人不知以溼為此  
字濕乃水名非此也毛氏曰濕乃合  
韻託合切水名後誤以為干濕字

### 周嵩狼抗梁冀跋扈

世說周伯仁母冬至舉酒賜三子曰爾等竝羅列

### 李氏蒙求集註

卷一

吾側復何憂周嵩起長跪而泣曰不如阿母之言

伯仁為人志大而才短名重而識闇好乘人之弊

非自全之道嵩性狼抗亦不容於世唯阿奴碌碌

當在阿母目下耳伯仁周顗字汝南安城人阿奴

獵值暴雨過汝南李氏李氏富足而男子不在有

女名絡秀聞外有貴人與一婢於內宰猪羊作數

十人飲食事精辦不聞有人聲密覘之獨見一

女子狀貌非常浚因求為妾父兄不許絡秀曰門

戶殄瘁何惜一女若聯婚貴族將來或大益父兄  
從之遂生伯仁兄弟絡秀語伯仁等曰我所以屈  
節為汝家作妾門戶計耳汝若不與吾家作親親  
者吾亦不惜餘年伯仁等悉從命由此李氏在世  
得方幅齒遇注方幅猶言幅員即天下劉會孟曰  
方幅者四面看得一樣也按晉書云李氏遂得  
為方雅之族八王故事曰浚字開林汝陽安城  
人也少有才名太康初平吳自御史中丞出為揚

州刺史元康初加安東將軍世說周仲智飲酒  
醉曠目還面謂伯仁曰君才不如弟而橫得重名  
須臾舉蠟燭火擲伯仁伯仁笑曰阿奴火攻固出  
下策耳又曰周叔治作晉陵太守侯仲智往別  
與人別唯啼泣便舍去周侯獨雷與飲酒言語臨  
別流涕撫其背曰奴好自愛鄧粲晉紀曰周謨  
字叔治顛次弟也仕至中護軍嵩字仲智謨兄也  
性狡直果俠每以才氣陵物顛被害王敦使人弔  
焉嵩曰亡兄天下有義人為無義人所殺後何所  
弔敦甚銜之猶取為後漢梁冀字伯卓安定烏  
從事中郎因事誅嵩

氏人為人鳶肩豺目洞精矐盼口吟舌言裁能書  
記由黃門侍郎游至河南尹父商薨未葬順帝拜

為大將軍帝崩冲帝始在襁褓又崩冀立質帝帝  
少而聰慧知冀驕橫常朝羣臣目冀曰此跋扈將

李氏蒙求集註卷一

軍也冀聞深惡之遂令左右進酖煮餅帝即日崩

矐音儻目無精直視也跋扈強梁也酖直禁切與  
鳩通鳩鳥名大如鳶喙長尺餘純食蛇虺其羽有  
毒畫酒飲之則死

郗超髡參王珣短簿

晉郗超字嘉賓愔子金鄉人卓犖不羈為桓溫參  
軍溫英氣豪邁少有所推與超言常謂不能測遂  
傾意禮待超亦深自結納時王珣為溫主簿亦為  
溫所重府中語曰髡參軍短主簿能令公喜能令  
公怒超髡珣短故也府中語世說謂是殷荊州為  
弱冠與謝元為桓溫掾俱為溫所敬重嘗曰謝掾  
年四十必擁旄節王掾當作黑頭公皆未易才也

世說桓宣武與郗超議芟夷朝臣條牒既定其  
夜同宿明晨呼謝安王坦之入擲疏示之郗猶在  
帳內謝獨無言王直擲還云多宣武取筆欲除郗  
不覺竊從帳中與宣武言謝含笑曰郗生可謂入  
幕賓也又簡文作相王時與謝公共詣桓宣武王  
詢先在內桓語王卿嘗欲見相王可住帳裏二客  
既去桓謂王曰定何如不然僕相何得自沒注僕射  
謝安公亦萬夫之望不然而僕相何得自沒注僕射  
按劉本作王敬美曰此東亭媚語安看恐未肯便沒  
沒作自是又王右軍年減十歲時大將軍甚愛之  
恒置帳中眠大將軍嘗先出右軍猶未起須臾錢  
鳳入屏人論事都忘右軍在帳中便言逆節之謀  
右軍覺既聞所論知無活理乃別吐汗頭而被禡  
詐熟眠論事造半方意右軍未起相與大驚曰不  
得不除之及開帳乃見吐唾從橫信其實孰眠於  
是得全于時稱其有智書王允諸書皆云王允之  
而此言羲之疑誤晉書王允諸書皆云王允之  
總角從伯敦謂爲似已恒以自隨出則同輿入則  
同寢敦嘗夜飲允之辭醉先臥敦與錢鳳謀逆允

李氏蒙求集註卷一

士

之已醒悉聞其言慮敦疑已便於臥處大吐衣面  
并汚鳳既出敦果照視見允之臥吐中以爲大醉  
不復疑之晉書王濛傳性和賜能言理辭簡而  
有會及簡文帝輔政益貴幸之與劉惔號爲入室  
賓之

伏波標柱博望尋河

後漢馬援字文淵扶風茂陵人交趾反璽書拜授

伏波將軍南擊交趾斬徵側徵貳傳首洛陽嶠南

悉平裴氏廣州記曰援到交趾立銅柱爲漢之極

邊宋之問詩朱崖天外郡銅柱海南標東方朔神

書馬總傳充嶺南都護本管經略使總敦儒學長

於政術於漢所立銅柱之處以銅一千五百勛特  
鑄二銅柱刻書唐德以繼伏波之迹  
州九真郡有銅柱馬援以表封疆韋公幹爲刺史

欲推鎔貨之人曰使君果壞是吾屬為海神

前

漢張騫漢中人建元中為郎出使月氏為匈奴所

畱十餘年持漢節不失還以校尉從擊匈奴知水

草處軍得不乏乃封為博望侯自騫開外國而漢

使窮河源其山多玉石采來天子案古圖書名河

所出山曰崑崙云晉散騎常侍常璩華陽國志張

遠為武帝開西域五十三國窮河源南至絕遠之

國後周儀同宗懔荆楚歲時記漢武令張騫使

大夏尋河源乘槎經月至一處見城郭如州府室

內有一女織又見一丈夫牽牛飲河騫問此何處

曰可問嚴君平織女取支機石與騫而還後至蜀

以石示君平曰此織女支機石也某年某月客星

犯牛女晉司空張華博物志舊說天河與海通

居海渚者晉年八月見有浮槎去來人有奇志立

飛閣於槎上多齎糧乘槎而去十餘日至一處遙

望宮中有織婦見一丈夫牽牛渚次飲之還問君

平曰某日客星犯牽牛宿斗正此人到天河時也

尚書彙纂按河源在土蕃朵甘思西鄙有泉百

餘泓沮洳散渙弗可逼視方可七八十里履高山

下瞰燦若列星以故名火敦腦兒譯言星宿海也

九家注杜云張騫傳及博物志竝無張騫乘槎

李氏蒙求集註卷一

前

去後三千年當還耳明日失武丁所在續齊諧  
記天河東有織女天帝女也勞於機杼帝憐其獨  
處許嫁牽牛遂廢織紵帝怒  
責令歸河東但使一年一會

### 李陵初詩田橫感歌

梁西中郎晉安王記室鍾嶸詩品夏謂曰鬱陶乎

余心楚詞曰名余曰正則雖詩體未全是五言之

濫觴也逮漢李陵始著五言之目矣陵字少卿廣

孫善射愛人

為匈奴所圍遂降有與蘇武贈答詩古謂五言詩

始此梁東宮通事舍人劉彥和觀文心雕龍明

詩云漢初四言韋孟首唱匡諫之義繼軌周人孝

武愛文柏梁列韻嚴馬之徒屬辭無方至成帝品

錄三百餘篇朝章國采亦云周備而詞人遺翰莫

見五言所以李陵班婕妤好見疑於後代也按召南

行露始肇半章孺子滄浪亦有全曲暇豫優歌遠

見春秋邪徑童謠近在成世閱時取證則五言久

矣又古詩佳麗或稱枚叔其孤竹一篇則傳毅之

詞比采而推兩漢之作乎觀其結體散文直而不

野婉轉附物恻悵切情實五言之冠冕也史記

佞幸傳李延年善歌為變新聲而上方興天地祠

欲造樂詩歌弦之延年善承意弦歌初詩晉散騎常侍譙周法訓曰

有喪而歌者或曰彼為樂喪也有不可乎譙子曰  
書云四海遏密八音何樂喪之有曰今喪有挽歌  
者何以哉譙子曰周聞之蓋高帝詔齊田橫至尸  
鄉亭自刎奉旨從者挽之至宮不敢哭而不勝哀  
故為歌以寄哀音彼則一時之為也鄰有喪春不  
相引挽人銜枚孰樂喪者也按莊子曰紼謳所生  
必於斥苦司馬彪注曰紼引柩索也斥疏緩也苦



用力也引緋所以有謳歌者爲人有用力不齊故  
促急之也春秋左氏傳曰魯哀公會吳伐齊其將

公孫夏命歌虞殯杜預曰虞殯送葬歌示必死也  
史記絳侯世家曰周勃以吹簫樂喪然則挽歌之

來久矣非始起於田橫也說見世說注前漢田橫

死橫自立爲齊王漢王卽皇帝位田懼誅與徒屬

五百餘人入居海島中帝詔曰田橫來大者王小

者乃侯耳橫謝曰陛下不過欲一見吾面貌耳遂

自到令客奉其頭馳奏之帝爲流涕五百餘人聞

之皆自殺崔豹古今注薤露蒿里並喪歌也出

田橫門人橫自殺門人傷之爲之悲歌言人命如

薤上之露易晞滅也亦謂人死魂魄歸乎蒿里故

有二章一章曰薤上朝露何易晞晞露晞明朝還

滋人死一章曰何時歸朝露何易晞晞露晞明朝

還魂無賢思鬼伯一何相催促人命不得少踟躕至

孝武時李延年乃分爲二曲薤露送王公貴人高

里送士大夫庶人使挽柩者歌之世呼爲挽歌

晉散騎常侍于寶搜神記曰挽歌者喪家之樂執

紼者相和之聲也餘略同何義門批文選云風

俗通義言漢末時京師賓婚嘉會皆作魁榼酒酣  
之後續以挽歌又後漢周舉傳陽嘉六年三月上  
巳大將軍梁商大會賓客譙於洛水酣飲極歡及  
酒闌唱罷繼以薤露之歌坐中聞者皆爲掩涕蓋  
漢末尤尚之故魏氏父子皆有此作論其出攻莫  
如陳王首錄熙伯拘限本詞也謂挽歌始於田橫  
之賓客恐亦未然纂文云薤露今之挽歌也宋王  
云如前已按五百人腹量君子難自殺乃至不敢哭耶周  
柰何以小人之腹量君子按商會坐中太僕張  
種時亦在焉會還以事告舉舉歎曰此所謂哀樂  
失時非其所也殃將及乎商至秋果薨左傳哀樂  
孫昭子與宋公語相泣樂邱退而告人曰君與叔  
孫其皆死乎吾聞之哀樂而樂哀皆喪心也心之  
精爽是爲魂魄魂魄去之何以能久也文章志  
繆襲字熙伯東海蘭陵人有才學累遷侍中光祿

勳挽歌辭云壽堂何冥冥長夜永無期欲呼舌無  
聲欲語口無詞又詩曰生時游國都死沒棄中野  
朝發高堂上暮宿黃泉下白日入虞淵懸車息駟  
馬造化雖神明安能復存我形容稍歇滅齒髮行  
長墮自古皆有然誰能離此者晉書禮志曰漢  
魏故事大喪及大臣之喪執紼者挽歌新禮以為  
挽歌出於漢武帝役人之勞歌聲哀切遂以為送  
終之禮雖音曲摧槍非經典所制違禮銜枝之義  
方在號慕不宜以歌為名除挽歌摯虞以為挽歌  
因倡和而為摧槍之聲銜枝所以全哀此亦以感  
眾雖非經典所載是歷代故事詩稱君子作歌  
惟以告哀以歌為名無所嫌宜定新禮如舊

### 武仲不休士衡患多

魏文帝典論文人相輕自古而然班固之於傅毅  
伯仲之間耳而固小之與弟超書曰武仲以能屬

文為蘭臺令史下筆不能自休夫人喜於自見而

文非一體鮮能備善是以各以所長相輕所短里

語曰家有敝帚享之千金斯不自見之患也後漢文苑

傳傳毅字武仲扶風茂陵人後漢書注東觀漢

記曰吳漢入蜀都縱兵大掠上詔讓漢曰城降孩

兒老母口萬數一旦放兵縱火聞之可為酸鼻家

有敝帚享之千金尚宗室子孫故常吏職何忍行

此後漢書公孫述傳述以兵屬延岑其夜死明

日岑降吳漢乃夷述妻室帝聞之怒以譴漢又讓漢

遂放兵大掠焚述宮室帝聞之怒以譴漢又讓漢

副將劉尚曰城降三日吏人從服孩兒老母口以

萬數一旦放兵縱火聞之可為酸鼻尚宗室子孫

膏更吏職何忍為此仰視天俯視地觀放麋啜羹

二者孰仁良失斬將甲人之義也注韓子曰孟孫

獵得麋使秦西巴持之其母隨而呼秦西巴不忍

而與其母戰國策曰樂羊為魏將而攻中山其子

在中山中山君烹其子而遺之羹樂羊啜之盡一

杯而攻拔中山彪固譏遷以為是非頗謬於聖

人然其議論常排死節否正直而不紉殺身成仁

之爲美則輕仁義賤守節愈矣固傷選博物洽聞不能以智免極刑然亦身陷大戮智及之而不能守之嗚呼古人所以致論於目睫也後漢書班固傳論注史記曰齊使者至越曰幸也越之不亡也吾不遺其智之如目見毫毛而不見其睫也今越王知晉之失計不自知越人之過是目論也言班固譏遷被刑而

宋明帝文章志曰機善屬文司空張華見其文章篇篇稱善猶譏其作文太冶謂

曰人之作文患於不才至子爲文乃患才多也

晉書陸機字士衡吳郡人也天才秀逸辭藻宏麗張華嘗謂之曰人之爲文常恨才少而子更患其多

### 桓譚非讖王商止訛

後漢桓譚字君山沛國相人也世祖卽位拜議郎

給事中是時帝方信讖譚疏諫不悅其後有詔會

### 李氏蒙求集註卷一

議靈臺所處帝詔譚曰吾欲以讖決之何如譚默

然良久曰臣不讀讖帝問其故譚復言讖之非經

帝大怒曰桓譚非聖無法將下斬之譚叩頭流血

良久乃得解出爲六安郡丞意忽忽不樂道病卒

初桓譚著書言當世行事二十九篇號曰新論上

書獻之世祖稱善鄭興字少贛河南開封人光武徵爲大中大夫帝嘗問興郊祀

事曰吾欲以讖斷之何如對曰臣不爲讖帝怒曰卿之不爲讖非之耶興惶恐曰臣於書有所未學

而無所非也帝意乃解尹敏字幼季南陽堵人

世祖命敏待召公車拜郎中辟大司空府帝以敏

博通經記令校圖讖敏對曰讖書非聖人所作其中多近鄙別字頗類世俗之詞恐疑誤後生帝不

納敏因其闕文增之曰君無口爲漢輔帝見而怪之召問其故對曰臣見前人增損圖書敢不自量

竊幸萬一帝深非之雖意不罪而亦以此沉滯  
後漢書方術傳敘光武尤信讖言士之趨起時宜  
者皆馳騁穿鑿爭談之也故王梁孫咸名應圖籙  
越登槐鼎之任鄭興賈逵以附同稱顯桓譚尹敏  
以乖忤淪敗自是習為內學尚奇文貴異數不乏  
於時矣注光武以赤伏符文拜梁為大司空又以  
識文拜孫咸為大司馬堵音者後漢書楊厚傳  
篇桓譚有新論華譚又有新論後漢書楊厚傳  
祖父春卿善圖讖學為公孫述將漢祖平蜀春卿  
自殺臨命戒子統曰我綸袂中有先祖所傳祕記  
為漢家用爾其修之統感父遺言服闋辭家從健  
為周循學習先法又就同郡鄭伯山受河洛書及  
天文推步之術統作家法章句及內讖二卷解說  
識楚蔭切光武紀宛人李通等以圖讖說光武  
註識符命之書也史記趙世家公前漢王商字  
孫支書而藏之秦讖於是出矣

子威涿郡蠡吾人建始三年秋京師民無故相驚  
言大水至百姓奔走相蹂躪長安大亂天子御前

李氏蒙求集註卷一

六

殿召公卿議大將軍王鳳以為太后與上及後宮  
可御船令吏民上城以避水左將軍商獨曰自古  
無道之國水猶不冒城郭今政治和平世無兵革  
上下相安何因當有大水暴至此必訛言也不宜  
令上城重驚百姓上乃止有頃長安中稍定問之  
果訛言上於是美商之固守而鳳大慚後漢馬嚴  
守下車明賞罰發姦慝郡界清靜時京師訛言賊  
從東方來百姓奔走轉相驚動諸郡遑急各以狀  
聞嚴察其虛妄獨不為備詔書救問  
使驛係道嚴固執無賊後卒如言

嵇呂命駕孔程傾蓋

晉嵇康字叔夜譙國鉅人早孤有奇才高邁不羣

好老莊與魏宗室婚拜中散大夫東平呂安服康

高致每一相思輒千里命駕康友而善之

王隱晉書曰嵇

本姓奚其先避怨徙上虞移譙國銓縣以出自會稽取國一支音同本奚焉

姓奚會稽人先自會稽遷於譙之銓縣改為嵇氏取嵇字之上山以為姓蓋以志其本也一日銓有

嵇山家於其側因氏焉

魏長樂亭主婚遷郎中拜在助文章敘錄曰康以

二字真書易混說文禾自為部稽旁從禾又自為

部禾頭左出而垂禾頭右出而平宜分別觀之按

稽有二音地名姓氏音雞稽首之稽音啟不可不

知余見舊本尚書稽字左旁作禾今世行本皆作

禾矣釋名敘抒也抒洩其實宜見之也說文敘

從支從余五經文字作叙入又部正字通因周伯

琦說從文從余皆非今

遵說文改正支音扑

漢諫議大夫中壘校尉

劉向說苑孔子之鄉遭程子於途傾蓋而語終日

有閒顧子路曰取束帛一以贈先生子路不對有

閒又顧謂如初子路屑然對曰由聞之也士不中

而見女無媒而嫁君子不行也孔子曰由也詩不

云乎野有蔓草零露漙兮有美一人清揚婉兮邈

逅相遇適我願兮今程子天下之賢士也於是不

贈終身不見大德母踰閑小德出入可也

家語終日下有

甚相親三字又孔子謂子路曰取束帛以贈先生

子路屑然對曰由聞之士不中間不相見嫁女無

媒君子不以交禮也有閒又顧謂子路又對如初

漢常山太傅韓嬰韓詩外傳云遭齊程木子又

云士不中道相見女無媒而嫁者君子不行也各

書措詞不同陳勝博士孔鮒孔叢子孟子上侍坐尚

幼請見子思子思見之甚說其志命子上請曰白聞

禮敬子車其崇子上不願也客退子上請曰白聞

士無介不見女無媒不嫁孟孺子無介而見大人  
說而敬之白也途未喻敢問子思曰然吾昔從夫子  
於郊遇程子於途傾蓋而語終日而別命子路將  
束帛贈焉以其道同於君子也今孟子車孺子也  
言稱堯舜性樂仁義世所希有也事之猶可况加  
敬乎非爾所及也漢書鄒陽傳古語白頭如新  
傾蓋如故困學紀聞孟子字文穎曰傾蓋猶交蓋  
駐車也故則知與不知也文穎曰蓋蓋猶交蓋  
注一作子居居貧坎軻故名軻字子居亦稱字居  
輿疑皆傳會聖證論云子思書孔叢子居孟子居  
即是軻也傅子云孟子輿集証闕里志孟子名軻  
字子輿一字子車陳士元孟子雜記按孔叢子聖  
證篇等書子車一作子輿一作子輿與與與與  
揚侷荀子注又作子輿蓋車居音同輿與與與  
謗也廣韻軻字注曰孟子居貧軻故名軻字子  
居劉向校錄序曰子華子程氏名本字子華晉  
人也善持論聚徒著書白號程子困學紀聞程  
子見家語子華子傾蓋而語者後序謂鬼谷子之  
本字子華即孔子傾蓋而語者後序謂鬼谷子之  
師水心銘鞏仲至所謂程子即此書也朱文公謂

李氏蒙求集註卷一

詞艱而理淺近世巧於摹擬者所為決非先秦古  
書顧寧人日知錄按莊子及呂氏春秋所云子  
華子乃韓昭釐侯時人檢史記年表韓昭釐侯元  
年上距孔子之卒凡百二十一年其非孔子所見  
之程子明甚按程子之名或云木或云本未知  
孰是前漢百官公卿表武帝平南越內增七校  
中壘其一也釋名校號也將帥號令以爲稱黃震  
音畏應劭曰自上按下曰尉武官悉以爲稱黃震  
曰尉古司寇官至秦漢改今名義取除姦安良尉  
也說文從尸從火從又持火所以尉繪也隸作尉

劇孟一敵周處三害

史記游俠傳雒陽劇孟以任俠顯諸侯吳楚反時  
條侯爲太尉乘傳車將至河南得劇孟喜曰吳楚  
舉大事而不求孟吾知其無能爲已矣時天下騷  
動宰相得之若得一敵國云漢書宰相作大將軍

作水邊各漢火行也思水故去水而加佳又魏於  
行次爲土水得土而流土得水而柔故復去佳加  
水變雜爲洛焉楊升菴曰字書云後漢都洛陽  
以火德王爲水克火故改爲雜此說非也春秋經  
書公子遂會雜戎盟於暴左傳凡洛作雜已十餘  
處豈因後漢而始改乎後漢書吳漢字子顏南  
陽宛人性彊力每從征伐帝未安恒側足而立諸  
將見戰陣不利或多惶懼失其常度漢意氣自若  
方整厲器械激揚之士帝歎曰吳公差強人意隱若  
還言方修戰攻之具帝歎曰吳公差強人意隱若  
一敵晉周處字子隱陽羨人膂力絕人好馳騁

田獵不修細行縱情肆慾州曲患之處自知爲人  
所惡乃慨然有改勵之志謂父老曰今時和歲豐  
何苦而不樂耶父老歎曰三害未除何樂之有處  
曰何謂也答曰南山白額猛獸長橋下蛟竝子爲

李氏蒙求集註

卷一

三

三矣處曰若此爲害吾能除之父老曰子若除之  
則一郡之大慶非徒去害而已處乃入山殺猛獸  
因投水搏蛟蛟或沉或浮行數十里而處與之俱  
經三日三夜人謂死皆相慶賀處果殺蛟而反聞  
鄉里稱慶始知人患已之甚乃入吳尋二陸時機  
不在見雲具以情告曰欲自修而年已蹉跎恐將  
無及雲曰古人貴朝聞夕改君前途尙可且患志  
之不立何憂名之不彰處遂勵志好學有文思志  
存義烈言必忠信克已期年州府交辟仕至御史

中丞

唐高祖祖父名虎晉書係唐人修故諱虎爲  
猛獸孫盛晉陽秋曰處仕晉爲御史中丞

多所糾彈氏人齊萬年反乃令處距萬年伏波孫  
秀欲表處母老處曰忠孝之道何當得兩全乃進  
戰斬首萬計茲絕矢盡左右勸退處曰此是吾授  
命之日遂戰而死世說云義興水中有蛟山有  
遼跡虎告字從  
牛口俗作生口非

胡廣補闕袁安倚賴

後漢胡廣字伯始南郡華容人也靈帝立與太常

陳蕃錄尚書事蕃被誅代爲太傅性溫柔謹素常

遜言恭色達練事體明解朝章雖無蹇直之氣屢

有補闕之益故京師爲之語曰萬事不理問伯始

天下中庸有胡公

雜記胡廣以惡月生父母惡之藏於瓠蘆中棄之河流岸側人

收養之及長以爲背其所生則害義背其所養則害恩乃托瓠蘆而生姓胡名廣按廣傳父名貢

李氏蒙求集註

卷一

三

交趾都尉而襄陽耆舊傳又云廣父名寵寵貢音相近必有一訛世說胡廣本姓王五月五日生

父母惡之置甕中流於江湖胡公見甕中有兒啼取之養爲己子仕登台司一本王作黃亦音相近

訛後漢袁安字邵公汝南汝陽人也章和元年

代桓虞爲司徒和帝卽位竇太后臨朝安以天子

幼弱外戚擅權每朝會進見及與公卿言國家事

未嘗不噫嗚流涕自天子及大臣皆恃賴之

汝南先賢

傳曰時大雪積地寸餘洛陽令自出案行見人家

皆除雪出有乞食者至袁安門無有行路謂安已死令人除雪入戶見安僵臥問何以不出安曰

黃霸政殊梁習治最

大雪人皆餓不宜干人令以爲賢舉爲孝廉也

前漢循吏傳黃霸字次公陽夏人也爲潁川太守



課農桑恤孤弱識事聰明姦人去盜賊少郡稱神

明在郡八年有鳳凰神雀數集郡國治為天下第一

一詔賜車蓋特高一丈以彰有德位至丞相時京兆尹

張敞舍鵲雀飛集丞相府霸以為神雀議欲以聞

敞奏以為偽天子嘉納霸甚慚困學紀聞黃霸

傳鵲雀顏氏注當為鵲徐楚金攷說文當為鴝集

證顏氏家訓養愛玩呼楚友鵲寶曰鵲出上黨數

得一青鳥馴養愛玩呼楚友鵲寶曰鵲出上黨數

曾見之色並黃黑無駁雜也故陳思王鵲賦云揚

元黃之勁羽試檢說文鴝雀似鴝而青出瓮中集

韻音分此疑頓釋槐按師古漢書注本其祖之推

說正字通按說文鴝鴝分訓鴝府文切鴝古拜切

鴝作鴝似鴝而青出瓮中乃鴝訓非鴝訓也顏黃

門因介分字形相似以鴝為鴝誤讀說文反以為

能釋疑非也漢書黃霸傳鴝雀師古注鴝音芬郝

敬云鴝與鴝通並非集証又云說文鳥部鴝下云

鳥聚貌一日飛貌從鳥分聲府文切鴝下云鳥似

鵲而青出瓮中從鳥介聲古拜切山海經丹文

之山有鳥焉其狀如鶴首文曰德翼文曰順背文

曰義膺文曰仁腹文曰雅見曰天下大安雄曰鳳

雌曰鳳舊唐書溫大雅傳初大雅在隋與顏師

魯俱在東宮彥博與師魯弟愨楚同直內史省彥

博將與愨楚弟游秦典校祕閣二家兄弟各為一

時人物之選少時學業顏氏為優其後職位溫氏

為盛李君實曰師曠禽經青鳳謂之鶡赤鳳謂

之鶡白鳳謂之鶡紫鳳謂之鶡蓋鳳生丹穴鶡又

鳳之赤者故南方取象鶡火鶡即鳳也以配龜龍

與麟非陳壽魏志梁習字子輿陳郡柘人也太

祖為司空辟召為漳長轉乘氏海西下邳令所在

有治并土新附習以別部司馬領并州刺史勤勸

農桑令行禁止貢達名士咸顯於世太祖嘉之賜

爵關內侯更拜為真長老稱詠以為白所聞識刺

史未有如習者建安十八年并州屬冀州文帝踐

阼復置并州復為刺史史政治常為天下最徵拜大

司農漢兒寬遷左內史收租稅時裁闕狹與民相

假貸以故租多不入後有軍發左內史以負

租課殿當免民間當免皆恐失之大家牛車小家

擔負輸租緇屬不絕課吏最上由此愈奇寬

又尹翁歸守右扶風滿歲為真京師畏其威嚴扶

風大治盜賊課常為三輔最後漢書賈琮傳交

趾反有司舉琮為交趾刺史到郡訊其反狀咸言

賦歛過重民不聊生自活故聚為盜賊琮移書告

示使安資業招撫荒散蠲復徭役誅渠帥為大害

者歲閒蕩定百姓以安巷路為之歌曰賈父來晚

飯在我先反今見清平吏不敢

飯在事三年為十三州最

### 墨子悲絲楊朱泣歧

秦相呂不韋呂氏春秋墨子時見染絲者悲歎曰

### 李氏蒙求集註

卷一

十四

染於蒼則蒼染於黃則黃五入則為五色不可不

慎也非獨染絲國亦有染湯染於伊尹故王天下

殷紂染於惡來故國殘身死為天下

十一篇注名翟宋大夫在孔子後史記或曰竝

孔子時或曰在其後索隱曰別錄云墨子書有文

子文子子夏之弟子問於墨子則墨子在七十子

後也晉散騎常侍葛洪神仙傳墨子外治經典

內修道術著書十篇號為墨子娜嬛記墨子姓

翟母夢日中赤烏而生因名烏以墨為道墨非姓

死墨山在衛輝府西北山採茯苓餌之五百歲不

竹君後呂氏春秋夏桀染於羊辛岐腫戎織紉

染於崇侯惡來周厲王染於虢公長父榮夷終幽

王染於虢公鼓祭公敦此四王者所染不當古今

人表桀時有干辛榮夷終即榮夷公虢公鼓即虢

石父墨子云夏桀染於干辛推哆摘錄困學紀聞

晉書虞溥傳除鄱陽內史大修庠序廣招學徒

乃作誥以獎訓之曰學之染人甚於丹青丹青五  
見其久而渝矣未見久學而渝者也夫工人之染  
先修其質後事其色質修色積而染工畢矣學亦  
有質孝翁忠信是也君子內正其心外修其行行  
質彬彬然後爲德 鄭隱人列禦寇列子說符

篇楊子之鄰人亡羊旣率其黨又請楊子之豎追  
之楊子曰亡一羊何追者之眾鄰人曰多歧路旣  
反問獲羊乎曰亡之矣曰奚亡之曰歧路之中又  
有歧焉吾不知所以反也楊子戚然變容不  
言者移時不笑者竟日門人怪問之楊子不答門  
人不獲所命弟子孟孫陽出以告心都子心都子  
曰大道以多歧亡羊學者以多方喪生

漢淮南王  
劉安淮南

李氏蒙求集註卷一

五

子說林訓楊子見達路而哭之謂其可以南可以  
北太平御覽作楊朱見歧路而泣之 聞甫意謂  
喪生之生或是主字  
之說請以質之博雅

朱博烏集蕭芝雉隨

前漢朱博字子元杜陵人哀帝卽位以博名臣起  
復光祿大夫超爲大司空初漢襲秦官置丞相御  
史大夫太尉至武帝罷太尉始置大司馬以冠將  
軍之號非有印綬官屬也及成帝時何武爲九卿  
言宜建三公官定卿大夫之任上以問張禹禹以  
爲然於是置大司馬官屬賜印綬以何武爲大司  
空皆增奉如丞相以備三公官議者多以爲無益

於治亂是時御史府吏舍百餘區井水皆竭又其  
府中列柏樹常有野鳥數千棲宿其上晨去暮來  
號曰朝夕鳥鳥去不來者數月長老異之後二歲

餘博爲大司空復官制哀帝更以博爲御史大夫

顏師古注史言此者著御史大夫之職當休廢也

按前之御史府中朝夕鳥不因朱博來去鳥旣

去後不聞博爲御史之後復來也此云朱博鳥集

恐誤然後人承誤引用已久卽九家注杜亦襲是

說矣蓋古人於事涉美談雖明知其說不足據而

亦往往引用之亦猶張騫本無乘槎事而工部詩

中屢屢使及者卽此意也九家注杜博物志載乘

槎事以爲後漢時人而公慶使作張騫梁煥肩吾

奉使江州船中七夕詩曰漢使俱爲客星槎共逐

流亦以漢使貼星槎事使蓋因話錄所謂詩家承

襲也顏氏家訓漢書御史府中夕柏樹常有野

鳥數千集棲其上晨去暮來號朝夕鳥今士人往

李氏蒙求集註卷一

往誤作鳥爲用之漢書五行志哀帝建平二年

四月御史上大夫朱博爲丞相臨廷登受策有大聲

如鐘鳴上以問黃門侍郎揚雄李尋尋對曰洪範

所謂鼓妖者也爲衆所惑空名得進則有聲無形

不知所從生也揚雄亦以爲鼓妖聽失之象朱博

爲人強毅多權謀宜將不宜相恐有凶惡巫利之

怒八月博坐爲姦謀自殺晉虞溥除鄱陽內史

大修庠序廣招學徒作誥獎訓爲政嚴而不猛風

化大行有白鳥集於郡庭宋歐陽修等唐書柳

仲郢自拜諫議後每遷官羣鳥大集於昇平里第

庭樹戟架皆滿後爲天平晉輔國將軍蕭廣濟  
節度而鳥不集乃卒於鎮

孝子傳蕭芝至孝除尙書郎有雉數千頭飲啄宿

止堂上上直送至歧路下直入門飛鳴車側海內

傳漢蕭固字秀異少行孝謹遭父母喪六年雉鵲

遊狎其居麋鹿入其門牆徵聘不就固生子芝宇  
英髦亦孝心醇

至云云如前

杜后生齒靈王出髭

晉后妃傳成恭杜皇后諱陵陽預之曾孫少有姿

色然長猶無齒有求婚者輒中止及帝納采之日

一夜齒盡生唐類表載李近仁賀武后新牙更生表云易有四營金牙為壽考之象詩

有六義玉齒載神仙之謠還年而輔車不虧卻老而瓠犀仍出堅而不脫聞於導養之方落而更生

得自靈飛之散乞宣示海內仍錄付史官左傳昭公二十六年王子

朝曰在定王六年秦人降妖曰周其有髭王亦能

克修其政諸侯服享至於靈王生而有髭王甚神

聖無惡於諸侯王名泄心簡王夷子史記周本紀注靈王家在河南城西南左傳

曰有神降於莘周內史過曰國之將興明神降之監其德也將亡神又降之觀其惡也故有得神以

李氏蒙求集註卷一  
興亦有以亡

賈誼忌鵬莊周畏犧

賈誼鵬鳥賦序誼為長沙王傅三年有鵬鳥飛入

誼舍止於坐隅鵬似鴉不祥鳥也誼既以謫居長

沙長沙卑溼誼自傷悼以為壽不得長乃為賦以

自廣漢書曰賈誼洛陽人也年十八善屬文稱於郡中河南太守吳公聞其秀才召至門下甚

幸愛後文帝召為博士為絳灌馮敬之屬害之於是天子疎之以為長沙王傅魏志鉅鹿張瑄字

日夫戴鴛陽鳥而巢門陰此凶祥也乃援琴歌詠

作詩二篇旬日而卒年一百五歲晉徵士皇甫謐高士傳莊周

者宋之蒙人也少學老子為蒙縣漆園吏遂遺世

自放不仕王公大人皆不得而器之楚威王使大夫以百金聘周周方釣於濮水之上持竿不顧曰吾聞楚有神龜死二千歲矣巾笥而藏之廟堂之上此龜寧其死為雷骨而貴乎寧生而曳尾塗中乎大夫曰寧掉尾塗中耳莊子曰往矣吾方掉尾於塗中或又以千金之幣迎周為相周曰子不見郊祭之犧牛乎衣以文繡食以芻菽及其牽入太廟欲為狐豚其可得乎遂終身不仕

史記無神龜曳尾等句畏

李氏蒙求集註卷一

元

曰謚字士安安定朝那人漢太尉嵩曾孫也祖叔獻灞陵令父叔侯舉孝廉謚族從皆累世富貴獨守寒素所養叔母歎曰昔孟母以三徙成子曾父以烹豕存教豈我居不卜鄰何爾魯之甚乎修身篤學自汝得之於我何有因對之流涕謚乃感激年二十餘就鄉里席坦受書遭人而問少有年日武帝借其書二車遂博覽太子中庶子議郎徵竝不就終於家韓非子曾子之妻之市其子隨之而泣其母曰女還顧反為女殺龜適市來曾子欲捕龜殺之妻止之曰特與嬰兒戲耳曾子曰嬰兒非與戲也嬰兒非有知也待父母而學者也不信其母之教今子欺之是教子欺也韓詩外傳曰孟子少時東家嘗殺豬孟子問其母曰東家殺豬何以為母曰欲噉汝其母悔失言曰吾懷孕是子席不正不坐割不正不食胎教之也今適有知而欺之是教之不信也買東家豬肉以食之明不欺也

燕昭築臺鄭莊置驛

梁太常卿任昉述異記燕昭王為郭隗築臺今在幽州燕王故城中土人呼為賢士臺亦謂招賢臺

史記燕召公世家燕昭王卑身厚幣以招賢者謂郭隗曰先生視可者得身事之郭隗曰王必欲致

士請從隗始况賢於隗者豈遠千里哉於是昭王為隗改築宮而師事之樂毅自魏往鄒衍自齊往

劇辛自趙往士爭趨燕世說昭王置千金於臺上以招天下士謂之黃金臺昭王名平燕王噲

子王隱晉書曰段匹磾討石勒進屯故安縣故燕太子丹金臺上谷郡圖經曰黃金臺在易水

東南十八里燕昭王置千金於臺上以延天下之士國朝勵宗萬奉勅尋訪迺賢城南詠古詩

考黃金臺按梁任昉云云如前明戴洵集云金臺有三在易水東南者曰大金臺在大興縣東南者

曰西金臺又有小金臺燕昭王築宮師事郭隗置千金於上以延天下士金人慕其名亦築此臺據

此則迺賢所云乃金人所築之臺非燕王舊制矣名勝志云黃金臺在府東南十六里小金臺相去

李氏蒙求集註卷一

无

一里蔣一揆長安客語黃金臺出朝陽門循土壕至東南角巋然一土埠是也今齊化門外東南隅

有土臺高一丈廣八畝土人呼為望京臺當是聲音之訛小金臺則無蹟可尋原注朝陽門即齊化

門按迺賢元葛邏祿迺賢也前漢鄭當時字莊陳人也孝文

時以任俠自喜脫張羽於厄聲聞梁楚間孝景時為太子舍人每五日洗沐常置驛馬長安諸郊請

謝賓客夜以繼日至明旦嘗恐不徧服虔曰張羽

相之弟也梁孝王將楚

璿靖二妙岳湛連璧

晉衛璿字伯玉河東安邑人位侍中學問深博明

悉文藝與尚書郎索靖俱善草書時人號為一臺

二妙索靖字幼安敦煌人瓊筆勝靖然有楷法遠不及靖靖有先識遠量知天下將亂指洛陽宮門

銅駝歎曰會見汝在荆棘中耳羊愔能書人姓名曰敦煌索靖張芝

姊之孫官至征南司馬善草書抱朴子曰善書者中州則有索靖用古體飄乎若起鴻之乘勁風

騰麟之躡驚雲南史齊宗室子雲傳出為郡維舟大守百濟國使人至建業求書逢子雲為郡維舟

將發使人於渚次候之望船三十步許行拜前子雲遣問之答曰侍中尺牘之美遠流海外今日

所求惟在名迹子雲乃為停船三日書三十紙與之獲金貨數百萬舊唐書柳公權傳公權初學

王書遍閱近代筆法體勢勁媚自成一家當時公卿大臣家碑板不得公權手筆者以為不孝外

夷入貢者皆別署貨貝曰此購柳書劉餗隋唐嘉話歐陽率更行見古碑是索靖所書駐馬觀之

觀三日乃去張懷瓘書斷曰歐陽詢字信本長

李氏蒙求集註卷一

沙汨羅人官至太子率更令善書筆力勁險篆體尤妙高麗國王愛其書遣使請焉神堯曰不意詢

之書名遠播夷狄舊唐書蕭穎士傳是時外夷亦知穎士之名新羅國使入朝言國人願得蕭夫

子為師其名動華夷如此晉潘岳字安仁滎陽中牟人也丰

姿秀美號奇童詞賦推一代後為洛陽令公餘植

桃李花滿縣人號曰花縣夏侯湛美容觀與岳友

善每行止同輿接茵京都謂之連璧拜郎中轉尚

書郎出為野王令政清務閒優游多暇文士傳曰湛字孝若

譙人魏征西將軍淵會孫也有盛才文章巧思善補雅詞名亞潘岳歷中書侍郎北史韋孝寬傳

除浙陽郡守時獨孤信為新野郡守同隸荊州與孝寬情好款密政術俱美荆部吏人號為連璧南史王儉與王敬則同拜三公徐孝嗣嘲之曰今日可謂連璧儉曰不意老子遂與韓非同傳蓋史



記老莊申韓同列傳故儉以老子自喻易坤靈  
圖至德之萌日月若連璧南史曰王敬則臨淮  
射陽人性倜儻好刀劍屠狗商販徧於三吳明帝  
以爲直閣將軍元徽初歸誠高帝遷輔國將軍知  
殿內宿衛兵事永明中進司空太尉武帝嘗令羣  
臣賦詩敬則曰臣若解書不過作尙書都令史耳  
那得今日司空父書曰徐孝嗣幼而挺立人  
祖端簡官五兵尙書明帝崩受遺託永元初帝失  
德稍彰不敢諫諍內懷憂恐有勸行廢立者孝嗣  
遲疑久之謂無用干戈須少主出遊閉城門集百  
僚議廢之未決羣小稍憎孝嗣勸帝誅之召孝嗣  
等入華林省遣茹法珍賜藥酒孝嗣飲至斗餘方  
卒史記老子韓非論曰老子所貴道虛無因應  
變化於無爲故著書辭稱微妙難識韓子引繩墨  
切事情明是非其極慘覈少恩皆原於道德之意  
而老子  
速矣

### 鄒詵一枝戴憑重席

李氏蒙求集註

卷一

三

晉鄒詵字廣基單父人博學多才不拘細行以對  
策上第拜議郎累遷雍州刺史武帝於東堂會送

問詵曰卿自以爲何如對曰臣舉賢良對策爲天

下第一猶桂林之一枝崑山之片玉帝笑侍中奏

免詵官帝曰吾與之戲耳不足怪也廣志桂出合浦而生必於

高山之巔冬夏常青其類自爲林間無雜樹交趾

置桂園春秋潛潭巴宮桂鳴下土諸侯號有聲注曰桂好木植於宮中猶天子封有聲響者爲諸

侯今乃鳴是乃成聲名於下土之祥也楚詞注淮南王好道感八公共登仙攀桂樹安作詩曰攀

桂樹兮聊淹留史記李斯傳致昆山之片玉注正義曰昆岡在于闕國東後漢儒林傳戴憑字次

仲平輿人習京氏易拜中郎將以侍中兼領之正

日百僚畢集帝命羣臣能說經者更相難詰義有不通輒奪其席以益通者憑遂重坐五十餘席京師語曰解經不窮戴侍中

鄒陽長裾王符逢掖

前漢鄒陽臨淄人仕吳王濞以文辨著名久之吳王以太子事怨望稱疾不朝陰有邪謀陽奏書諫辭云今臣盡智畢議易精極慮則無國不可奸飾固陋之心則何王之門不可曳長裾乎然臣所以歷數王之朝背淮千里而自致者非惡臣國而樂吳氏竊高下風之行尤說大王之義願大王勿忽

李氏蒙求集註

卷一

三

察聽其志世說皇甫度遼解官歸鄉時有以貨

得雁門太守者書刺投謁度遼臥不時起既入見問卿前在郡食雁美乎有頃白王節信在門度遼驚遽而起衣不及帶屣履出迎援手入坐甚歡而

別時人爲之語曰徒見二千石不如一逢掖後漢書皇

甫規字威明安定朝那人官度遼將軍與太常張奐然明太尉段熲紀明竝知名顯達稱爲涼州三  
明王符字節信安定臨涇人少好學與馬融竇章  
張衡崔瑗友善符獨耿介不同於俗以此不得升  
進隱居著書三十餘篇名潛夫論禮記儒行孔  
子曰丘少居魯衣逢掖之衣鄭元注逢猶大也大  
掖之衣大袂單衣也

鳴鶴日下土龍雲間

晉陸雲字士龍六歲能屬文與兄機齊名號曰二

陸雲與荀隱素未相識嘗會張華坐華曰今日相

遇可勿為常談雲因抗手曰雲閒陸士龍隱曰日

下荀鳴鶴鳴鶴隱字也雲又曰既閒青雲觀白雉

何不張爾弓挾爾矢隱曰本謂是雲龍騃騃乃是

山鹿野麋獸微弩強是以發遲華撫掌大笑世說劉本

注雲閒日下者荀字從日陸名日雲荀隱穎川

人騏音達詩四牡騤騤傳疆也說文馬行威儀也

張平子南都賦駟飛龍今騤騤振和鑿今京師

荀氏家傳曰隱祖樂安太守父岳中書郎隱與

陸雲在張華坐語詞皆美麗張公稱善云世有此

書尋之未得隱歷太子舍人廷尉平早卒陸雲

別傳曰雲大司馬抗之第五子機同母弟也儒雅

有俊才容貌瓌偉口敏能談博聞強記善著述六

歲能賦詩時人以爲項橐揚烏之儔年十八刺史

用浚命爲主簿累遷太子舍人清河內史爲成都

王所害戰國策甘羅曰項橐七歲爲孔子師董

仲舒對策此亡異於達巷黨人不學而自知孟康

注人項橐也隸釋載達盛碑以爲后橐孟康之說

未知所出論語注疏無之語出困學紀聞集證按

項橐逢盛碑作后橐洪氏曰趙廣漢傳錡節又借

音項后錡偏旁相類錡有項音故借后爲錡節之錡

李氏蒙求集註

卷一

以故不發發又輒得注鉅若今盛錢藏瓶爲小孔  
可入而不可出或餽或箭受書令投於其中也  
揚雄別傳曰揚信字子烏雄第二子幼而聰慧雄  
擬珣羊觸藩彌日不就子烏曰大人何不云荷戟  
入榛法言曰育而不苗者吾家之童烏乎華陽國  
志作揚烏文士傳桓麟年十二能作詩賦客爲  
詩曰甘羅十二揚烏九齡昔有二子今則桓生桓  
卽應聲曰邈矣才偉超等絕倫伊彼揚烏命世稱  
賢嗟予蠢弱殊才偉年仰慚二子俯愧過言劉  
知幾思慎賦擅雲開之美譽馳日下之休聲晉  
書習鑿齒傳時有桑門釋道安峻辯有高才自北  
至荊州與鑿齒初相見道安曰彌天釋道安鑿齒  
曰四海習鑿齒初相見道安曰彌天釋道安鑿齒  
時人以爲佳對

晉宣狼顧漢祖龍顏

晉宣帝紀帝諱懿字仲達河內溫縣人姓司馬氏

以武帝受禪上尊號曰宣皇帝帝內忌而外寬猜

李氏蒙求集註 卷一

書

忌多權變魏武察帝有雄豪志聞有狼顧相欲驗

之乃召使前行令反顧面正向後而身不動又嘗

夢三馬同食一槽甚惡焉因謂太子不曰司馬懿

非人臣也必預汝家事太子素與帝善每相全佑

故免 史記帝紀高祖沛豐邑中陽里人也姓劉

氏名邦字季爲人隆準而龍顏美鬚髯左股有七

十二黑子寬仁愛人意豁如也 河圖曰帝劉季日

龍腰長七尺入寸昌光出軫五星聚井斯之與天

授圖地出道干張兵矜劉季起東井秦之分野明

漢當代秦都關中 史載高祖父曰太公母曰媪

皇甫謐曰太公名執嘉又名媪媪姓王師古注漢

書云史家不詳著高祖母之姓氏無得記之故取

當時相呼稱號而言也皇甫謐等妄引讖記好奇

騁博強為高祖父母名字皆非正史所說蓋無取焉寧有劉媪本姓實存史遷肯不詳載即理而言斷可知矣史記索隱曰母溫氏打得班固酒上亭長古碑可據杜荀鶴松窓雜記有王生者不記其名嘗遊沛因醉入高祖廟笑而言曰持三尺劍滅暴秦剪強楚而不能脫其母烏老之稱是夕寐見漢祖按劍大怒曰烏老之言出自何典王生日臣見司馬遷班固書云母媪注烏老反釋云老母之稱也漢祖益怒曰朕沛中泗水亭長碑昭然具載曷敢特酒喧於殿庭宜付所司劾犯上之罪云云聞甫按泗水亭長碑如果出於班手則班之著漢書何以不載母氏溫姓是此碑之真偽亦難臆定也

### 鮑靚記并羊祜識環

晉藝術傳鮑靚字太元東海人年五歲語父母云本是曲陽李家兒因墮井死其父母尋訪得李氏

### 李氏家求集註

卷一

臺

推問皆符驗學兼內外為南海太守嘗行部入海

遇風飢甚取白石煮食之以自濟抱朴子又有引石散以方寸匕

投一斗白石子中以水煮亦立熟如芋子可食以當穀也晉書單道開傳常衣麤褐或贈以繪服

皆不著不畏寒暑晝夜不臥恒服細石子一吞數枚日一服或多或少好山居而山樹諸神見異形

試之初無懼色郭憲洞冥記元鼎五年郵支國貢馬厝石百觔常以水銀養之內玉櫃中金泥封

其上國人長四尺惟餌此石而已半青半白如今之馬厝春碎以和丸轉成丹服之彌年不飢渴也

糧問之何不震舉笑曰天上多有至尊相奉事更

苦於人間爾時晉羊祜字叔子太山南城人位號為隱遜仙人

太傅五歲時令乳母取所弄金環乳母曰汝先無

此物祜即詣鄰人李氏東垣桑樹下探得之主人

驚曰此吾亡兒所失之物也云何持去乳母具言

之李氏悲惋時人異之謂李氏子即祐之前身也

世說人有相羊祐父墓後應出受命君祐惡其言

遂掘斷墓後以壞其勢相者視之曰猶應出折臂

三公俄而祐墜馬折臂位果至公幽明錄曰祐

陽都督因盤馬落地遂折臂士林知者咸歎其忠

誠晉書羊祐傳祐樂山水每風景必造岷山置

酒言詠終日不倦嘗慨然歎息顧謂從事申郎鄒

湛等曰自有宇宙便有此山由來賢達勝士登此

遠望如我與卿者多矣皆湮滅無聞使人悲傷湛

曰公令聞令望必與此山俱傳至於湛等乃當如

公言耳祐卒襄陽百姓於岷山祐平生遊息之所

建碑立廟歲時饗祭望其碑者莫不流涕杜預因

名為墮淚碑梁書劉之遴傳出為征西鄱陽王

長史南郡太守後轉為西中郎湘東王長史太守

如故初之遴在荆州嘗寄居南郡廡忽夢前太守

袁彖謂曰卿後當為折臂太守即居此中之遴後

李氏蒙求集註卷一

美

果損臂遂臨此郡南芸小說張衡死日蔡邕母

始懷孕二人才貌相類人云邕是張衡後身幽

怪錄梁天監中武昌小吏顧總性昏慳令數鞭朴

之一日於墟墓間見二黃衣謂王粲徐幹也足下

前身是劉楨因執袖書授之總見令具陳其事令

驚曰不可使劉公幹為小吏因待以賓禮時人語

曰死劉楨猶得鹿生顧總

仲容青雲叔夜玉山

晉阮咸字仲容尉氏人任達不拘解音律荀勗以

為不及疾之出補始平太守顏延年五君詠仲容

青雲器實稟生民秀達音何用深識微在金奏郭

奕已心醉山公非虛覲屢薦不入官一麾乃出守

皇甫冉句云白社陶元亮青雲阮仲容青雲高遠也史記太史公曰閭巷之人欲砥行立名者非

附青雲之士惡能施於後世哉又范曄傳須賈曰

賈不意君能與天下之事揚升菴日史記云伯

夷叔齊雖賢得夫子而名益彰顏淵雖篤學附驥

尾而行益顯閭巷之人欲砥行立名者非附青雲

之士烏能施於後世哉青雲之士謂聖賢立言傳

世者孔子是也附青雲則伯夷顏淵是也後世謂

登仕路為青雲謬矣哉試引數條以證之京房易

占青雲所覆其下有賢人隱續逸民葛洪方書便

有養生之志南史陶宏景年四五歲見葛洪書便

珪隱居多構山泉衡陽王鈞往遊之珪曰殿下處

朱門遊紫闥詎得與山人交耶鈞曰身處朱門而

情遊滄海形入紫闥而意在青雲又袁彖贈隱士

庾易詩曰白日清明青雲遼亮昔聞巢許今見臺

尚阮籍詩抗身青雲中網羅孰能施李太白詩獵

客張兔置不能挂龍虎所以青雲人高歌且益窮

合而觀之青雲豈仕進之謂乎王勃文窮且益窮

不墜青雲之志卽論語視富貴如浮雲之旨若窮

而常有靚餽富貴之心則鄙夫而已矣自宋人用

青雲字於登科詩中遂誤至今不改按須賈云

云曰青雲二字又似與仕進可以通用沈約宋

好讀書無所不覽文章之美冠絕當時領步兵好

酒疎誕不能對酌當世劉湛言於彭城王義康出

為永嘉太守延之甚怨憤乃作五君詠以述竹林

七賢山濤王戎以貴顯被黜世說荀勗善解音

聲時論謂之閭解遂調律呂正雅樂每至正會殿

庭作樂自謂宮商無不協韻阮咸妙賞時謂神解

每公會作樂而心謂之不調既無一言直勗意忌

之遂便是始平太守後有一田父耕於野鐘鼓金石

玉尺便為短一黍出是伏阮神識宋沈括夢溪

筆談顏延之謂一麾出守者乃指麾之麾非旌麾

之麾自杜牧之有欲把一麾江海去始謬用一麾

自此遂為守郡故事孟亭馮侍御樊南文集詳

註二老堂詩話後人誤用一麾出守事以為起於

杜牧之杜實用旌麾之麾未必本之顏詩後人因

此二字誤用顏詩耳徐炯曰觀三國志擁麾守郡

文選建麾作牧此語在前久矣謂把一麾之誤用

自牧之始則可謂建麾之誤自牧之始則不可按  
古今注曰麾所以指麾武王右執白旄以麾是也  
乘輿以黃諸公以赤刺史二千石以纁蓋麾者旌  
旗之屬軍禮必用麾周禮中車大麾以田左傳樂  
鍼見子重之旄曰子重之麾也凡後之言麾下者  
皆謂大將軍之旗也刺史兼兵事故有麾唐詩節  
度賜雙旌亦此義也顏詩一麾文選注固言指麾  
亦兼言郡將建麾若牧之句把字貫下用牧誓傳  
右手把旄尤與擁麾同義把則白可一麾其感  
概皆在言外實字未嘗有誤議者徒紛紛耳

世說稽康身長七尺八寸風姿特秀見者歎曰蕭

蕭肅肅爽朗清舉或云肅肅如松下風高而徐引

山公曰嵇叔夜之爲人也巖巖若孤松之獨立其

醉也傀俄若玉山之將頽康別傳曰康長七尺八寸偉容色土木形骸不

加飾厲而籠章鳳姿天質自然正爾在羣形之中

便自知非常之器 傀天貌俄傾貌 世說世目

李氏蒙求集註卷一 三

### 千義捧檄子路負米

後漢劉平等傳序廬江毛義字少節家貧以孝行

稱南陽人張奉慕其名往候之坐定而府檄至以

義守令義奉檄而入喜動顏色奉者志尚士心賤

之自恨來固辭而去及義母死去官行服數辟公

府爲縣令進退必以禮後舉賢良公車徵遂不至

張奉歎曰賢者固不可測往日之喜乃爲親屈也

斯蓋所謂家貧親老不擇官而仕者也注檄召書也東觀漢

記義爲安陽尉府檄到當守令也義字少卿 家

見文選注而後漢書本刻作少節必有一誤



語子路見於孔子曰負重致遠不擇地而休家貧親老不擇祿而仕昔者由也事二親之時嘗食藜藿之食爲親負米百里之外親歿之後南遊於楚徒車百乘積粟萬鍾累茵而坐列鼎而食顧欲食藜藿爲親負米不可得也孔子曰由也事親可謂生事盡力死事盡思者也

韓詩外傳孔子行見皇魚哭孔子曰子非有喪

何哭悲也皇魚曰吾少而好學周流諸侯以歿吾親樹欲靜而風不止子欲養而親不待往而不可追者年也去而不可見者親也孔子曰弟子誠之於是門人辭歸者十有三也又曾子曰任重道遠不擇地而息家貧親老不擇官而仕

### 江革忠孝王覽兄弟

李氏蒙求集註

卷一

堯

唐李延壽南史梁江革字映休濟陽考城人幼而聰敏早有才思六歲便解屬文父柔之深加器賞曰此兒必興吾門讀書精力不倦十六喪母以孝聞後爲廣陵太守被魏人拘繫魏安豐王延明令作碑祭文辭以囚執旣久無復心思延明將加筆朴革厲聲曰江革年六十不能殺身報主今日得死爲幸誓不爲人執筆延明知不可乃止旣放還武帝大晏舉酒勸革曰卿那不畏延明所害對曰臣行年六十死不爲天豈畏延明帝曰今日始見蘇武之節

後漢江革字次翁臨淄人以孝稱

晉王覽字元通祥

之弟繼母朱遇祥無道覽年數歲見祥被楚撻輒涕泣抱持至於成童每諫其母少止凶虐朱屢以非禮使祥覽輒與祥俱又虐使祥妻覽妻亦趨而共之朱患之乃止祥喪父之後漸有時譽朱深疾之密使酖祥覽知之徑起取酒祥疑有毒爭而不與朱遽奪反之自後朱賜祥饌覽輒先嘗朱懼覽致斃遂止覽孝友恭恪名亞於祥

劉昫唐書曰韋承慶字延休嗣

立承慶異母弟也父思謙則天朝納言母王氏遇承慶甚嚴每有杖罰嗣立必解衣請代母不聽輒

自私杖母察知之漸加恩貸議者比王祥王覽

### 蕭何定律叔孫制禮

李氏蒙求集註 卷一

罕

前漢刑法志高祖初入關約法三章曰殺人者死傷人及盜抵罪蠲除煩苛兆民大悅其後四夷未服兵革未息三章之法不足禦奸於是相國蕭何攬摭秦法取其宜於時者作律九章

攬摭收捨也

前

漢叔孫通薛人也高帝去秦儀法為簡易羣臣飲爭功醉或妄呼拔劍擊柱上患之通知上益饜之乃曰臣願頗采古禮與秦儀雜記之上曰可試為之於是徵魯諸生與其弟子為綿蕞野外習之禮成羣臣上壽無敢謹謹失禮者於是高帝曰吾乃今日知為皇帝之貴也 高祖紀天下既定命蕭

何次律合韓信申軍法張蒼定章程叔孫通制禮

儀編叢應劭曰立竹及茅索營之習禮儀其中也如淳曰謂以茅剪樹地為纂位尊卑之次也春秋傳曰置茅蒞師古曰蒞與蒞同子悅反

史記索隱韋昭曰引繩為綿立表為葦

### 葛豐刺舉息躬歷詆

前漢諸葛豐字少季琅邪人也以明經為郡文學

特立剛直貢禹為御史大夫舉為侍御史元帝擢

為司隸校尉刺舉無所避京師為之語曰閒何濶

逢諸葛上嘉其節加秩光祿大夫刺說文直傷也又偵伺也前漢

燕王旦傳旦遣幸臣之長安問禮儀陰刺侯朝廷

事又刺刺多言貌管子心術篇焉能去刺刺為罈

罈乎韓愈送殷員外序丁寧顧婢子語刺刺不能

休俗作刺誤刺音辣戾也前漢杜欽傳無乖刺之

心又五子傳李姬生燕刺王旦註師古曰諡法暴

戾無親曰刺張衡思元賦彎威弧之撥刺兮張弓

聲也李白詩雙肥呀呷鬚鬣張跋刺銀盤欲飛去

魚躍聲也白居易桐花詩風候一參差榮枯遂乖

刺况吾北人情不耐南前漢息夫躬字子徽河

內河陽人以與孫竈等告發東平王雲祝詛事帝

下詔封董賢及躬等侯食邑丞相王嘉疑東平獄

事爭不欲侯賢等嘉以此得罪躬既親近數進見

言事議論無所避眾畏其口見之仄目躬乃上疏

歷詆公卿大臣後為人所告下詔獄死諸葛息夫

書無逸否則厥口詆詆疏以言

告神謂之祝請神加殃謂之詛

管寧割席和嶠專車

李氏蒙求集註卷一

望

魏志管寧字幼安北海朱虛人 世說管寧華歆

共園中鋤菜見地有片金管揮鋤與瓦石不異華

捉而擲去之又嘗同席讀書有乘軒冕過門者寧

讀如故歆廢書出看寧割席分坐日子非吾友也

高士傳管寧嘗坐一木榻積五十年未嘗箕踞榻

上當膝皆穿 魏畧曰寧少恬靜常笑 邴原華子

魚有仕宦意及歆為司徒上書讓寧寧聞之笑曰

寧三人共遊學時人謂三人為一龍歆為龍頭原

為龍腹寧為龍尾裴松之以為邴根矩之徽猷懿

望不必有愧華公管幼安之含德高蹈又恐弗當

為尾魏畧此言未可以定其先後也 楊升菴謂

華歆為蠶尾 吳文鏡曰歆勒兵後此乃逆賊

之尤與幼安根矩不啻由路而可竝論耶 梁書

長沙嗣王業傳弟藻性恬靜獨處一 世說晉武

室牀有膝痕宗室衣冠莫不楷則 聖

帝時荀勗為中書監和嶠為令故事監令由來共

車嶠性雅正常疾勗詔諛後公車來嶠便登正向

前坐不復容勗勗方更覓車然後得去 監令各給

車自此始 晉書和嶠字長輿汝南西平人少有風

礪 硯多節目施之見而歎曰嶠森森如千丈松雖

同 晉諸公贊曰嶠常慕其梁夏侯元之為人故

於朝士中峨然不羣時類禪其風節 虞預晉書

曰勗漢司空爽曾孫也十餘歲能屬文外祖鍾繇

侍中中書監 王隱晉書曰勗性佞媚譽太子出

齊王當時私議損國害民孫劉之匹也後世若

良史當著佞倖傳 魏晉世語劉放孫資久典機

任夏侯獻曹肇心內不平殿中有雞棲樹二人相

謂此已久矣其復能幾指謂中書監劉放中書令

孫資 魏志放資既善承順主上又未嘗顯言得

失抑辛毗而助王思以是獲譏於世放字子棄涿

李氏蒙求集註 卷一

聖

郡人資字彥龍太原人  
雞柄 仙傳云劉剛與妻將飛昇庭前有皂筭樹一名  
妻令剛昇樹數丈方能飛今俗稱畏內曰上皂筭  
樹亦有本南史豫章王內史劉休妻王氏甚妒  
帝聞之賜休敕與王氏二十杖令休於居後  
開小店命王氏親賣皂筭掃帚以羞辱之

時苗畱犢羊續懸魚

魏郎中魚豢魏畧時苗字德胄鉅鹿人爲壽春令

之官乘薄笨車黃犝牛歲餘生一犢及去畱其犢

曰是淮南所產也王隱晉書曰王遜字邵伯爲上

生犢及去悉畱以付郡云是爲郡所產以還官也

晉書羊祜無子以兄子篇爲鍾平侯奉祜嗣

官清慎有私牛于官舍產犢及遷而畱之一魏志

裴潛傳遷兖州刺史注潛爲兖州時嘗作一胡床

及其去也畱以挂柱梁簡文帝詩不學胡威絹

寧挂裴潛床太白詩去時無一物東壁挂胡床

李氏蒙求集註卷一

後漢羊續字興祖太山平陽人爲南陽太守班

政宣令侯民利病百姓歡服以清儉率下府丞嘗

獻生魚續受而懸之於庭丞後又獻之乃出前所

懸者以杜其意謝承後漢書羊續好食生魚府丞

毅在政貪濁饋遺朝貴以營譽嘗遺山巨源絲百

劬巨源不欲爲異受之命懸之梁後毅事露案驗

眾官吏至巨源於梁上得絲已數年塵埃封印如

故爲北齊書蘇瓊傳累遷南清河太守郡民趙穎

自來送穎恃年老苦請遂爲畱仍致於聽事梁上

竟不剖人遂競貢新果至門問知穎瓜猶在相顧而去

樊噲排闥辛毗引裾

前漢樊噲沛人以屠狗爲事佐高祖定天下封舞

陽侯先黥布反時高帝嘗病惡見人臥禁中詔戶者毋得入羣臣噲排闥直入見帝枕一宦者臥流涕曰始陛下與臣等起豐沛定天下何其壯也今

天下已定又何憊也獨不見趙高之事乎帝笑而

起秦二世胡亥以趙高為中丞相高欲專權恐羣臣不聽乃先設驗持鹿獻二世曰馬也二世笑曰丞相誤耶問左右或默或言鹿高陰中諸言鹿者以法後羣臣皆畏高莫敢言其過高數言關東

盜無能為及沛公攻武關二世使責高乃與其婿閻樂將兵入宮數二世自殺潘岳西征

賦野蒲變而為脯苑鹿化為馬東蒲為脯二世不覺通云秦相趙高指鹿為馬東蒲為脯二世不覺

困學紀聞籍口播書秦欲愚其民而不能愚陳涉指鹿東蒲高欲愚其君而不能愚西河郡執

高祖起兵太原使子建成世民將兵擊西河郡執郡丞高德儒世民數之曰汝指野鳥為鸞以欺人

李氏蒙集註卷一

主取高官吾與義兵正魏志辛毗字佐治潁川

為誅佞人耳遂斬之

陽翟人為侍中好直諫文帝欲徙冀州士家十萬

戶實河南毗與朝臣求見帝知其欲諫作色以見

之毗曰臣所言社稷之慮也安得怒臣帝不答起

入內毗隨引其裾帝曰卿何持我太急也毗曰今

徙既失民心又無以食也帝遂徙其半宋史陳禾傳遷左正

吉俄除給事中時童貫權益張禾拜命首劾貫論奏未終上拂衣起禾引上衣請畢其說衣裾落上曰正言碎朕衣矣禾言陛下不惜碎衣臣豈惜碎首言愈切上曰卿能如此朕復何憂內侍請易衣

上曰雷以旌直臣

孫楚澈石郝隆曬書

晉孫楚字子荆太原中都人才藻卓越爽邁不羣少時欲隱居謂王濟當云枕石漱流誤稱漱石枕

流濟曰石非可漱流非可枕楚曰所以枕流欲清

其耳所以漱石欲礪其齒梁書顧協傳協幼孤隨母養於外協年數歲永

右光祿張永嘗攜內外孫遊武邱山協年數歲永撫之曰兒欲何戲對曰兒正欲枕石漱流永歎曰

顧氏興於此子世說郝隆七月七日出日中仰臥人問

其故答曰我曬書征西寮屬名曰隆字佐治汲郡人仕至征西參軍

為桓公南蠻參軍三月三日會作詩不能罰酒三升隆初以不能受罰既飲攬筆便作一句云娥隅

躍清池桓問娥隅是何物答曰蠻名魚為婿隅桓公曰作詩何以作蠻語隆曰千里投公始得蠻府

參軍那得不作蠻語也世說王仲祖聞蠻語不解茫然曰若使介葛盧來朝故當不昧此語注春

李氏蒙求集註卷一

聖

秋傳曰介葛盧來朝魯聞牛鳴曰是生三犧皆用之矣其名音云問之而信杜預注曰介東夷國葛盧

其君名也世說王夷甫云問郎冲優於滿奮郝隆字宏始高平人為人才冲最先達注晉諸公贊曰

揚州刺史凌濛初曰此郝隆非晒書郝隆

枚臯詣闕充國自贊

前漢枚臯乘之子字少儒淮陰人乘在梁時娶臯

母為小妻乘之東歸也臯母不肯隨乘乘怒分臯

數千錢留子母居年十七赴闕自陳乘之子上大

喜拜為郎善恢諧賦頌時以比東方朔郭舍人等

列仙傳曰朔是楚人武帝時上書說便宜拜郎中宣帝初棄官而去共謂歲星也史記滑稽傳曰

漢武帝少時東武侯母嘗養帝後號大乳母其子孫從奴橫暴長安當道奪人衣物有司奏請徙母

於邊奏可乳母入辭帝所幸倡郭舍人發言陳詞  
雖不合於大道然令人主和悅乳母乃先見為泣  
下舍人曰即入辭勿去數還顧乳母如其言舍人  
疾言罵之曰咄老女子何不疾行陛下已壯矣寧  
尚須乳母活耶尚何還顧耶於是人主憐  
之詔止毋徙罰請者世說謂是東方朔誤 前漢

趙充國字翁孫隴西上邽人後徙金城令居善騎

射沉勇有大畧通知四夷事宣帝時封營平侯神

爵元年春諸降羌叛充國為虜所擊還至令居以

聞時充國年七十餘上老之使御史大夫丙吉問

誰可將者充國對曰無踰於老臣者矣上遣問曰

將軍度羌虜何如當用幾人充國曰百聞不如一

見兵難踰度臣願馳至金城圖上方畧然羌戎小

李氏蒙求集註

卷一

異

夷逆天背畔滅亡不久願陛下以屬老臣勿以為

憂上咲曰諾諭讀遙史記毛遂自贊於平原君平

囊中其末立見今先生處勝之門下三年勝未有

所聞遂曰臣乃今日請處囊中耳使遂早得處囊

中乃穎脫而出非特其未見而已前漢東方朔

傳朔自贊曰臣常受易請射之世說鄭康成在

袁冀州坐時汝南應劭亦歸於袁因鄭笑曰仲尼

之門考以漢科曰賜之徒不稱官閔應有慚色

袁山松後漢書曰袁紹字本初汝南汝陽人司空

逢之庶子出後伯父成英雄記曰紹不妄適賓

上衍風鑑許劭月旦

晉王衍字夷甫戎從弟神情明秀風姿詳雅少時



過山濤濤曰何物老嫗生此寧馨兒然誤天下蒼生未必非此人也衍有重名於世時人許以人倫之鑑尤重弟澄及王敦庾敷嘗為天下人士目曰阿平第一子嵩第二處仲第三澄嘗謂衍曰兄形似道而神鋒太雋衍曰誠不如卿落落穆穆也澄

由是顯名有經澄所題目者衍不復有言輒云已

經平子矣世說王夷甫父又為平北將軍有公事使行人論不得時夷甫在京師命駕見

僕射羊祜尚書山濤夷甫時總角姿才秀異敍致既快事加有理濤甚奇之既退看之不輟乃歎曰

生兒不當如王夷甫邪羊祜曰亂天下者必此子也晉陽秋曰夷甫父又有簡書將免夷甫年十

七見所纏從舅羊祜申陳事狀辭甚俊夷甫年十之夷甫拂衣而起祜顧謂賓客曰此人必將以盛

李氏蒙求集註卷一

聖

名處當世大位然敗俗傷化者必此人也攷古質疑寧馨兒猶言如此兒也平聲去聲皆通而美

惡謂何人生得如此兒後敗之故以然字為開隔之謂何人生得如此兒後敗之故以然字為開隔

論語子游曰堂堂乎張也為難能也然而未仁與此交理一同漫錄乃謂識此王衍之語非也至王

太后怒廢帝之不來我那得生如此兒此乃怒罵之詞耳又云馬侍讀大年懶真子錄云寧馨兒寧

去聲馨音亨今南人尚言之猶言恁地也又原注近見梁元帝為湘東王所篡金樓子亦舉宋王太

后事云引刀破我腹那得生如此兒直改作游曰字則與大慶之說不約而同矣按論語子游曰

吾友張也為難能也然而未仁曾子曰堂堂乎張也難與並為仁矣葉氏合兩賢之語作一人之詞

亦是乘輿奮筆未及細憶之故世說王濛美姿容嘗攬鏡自照稱其父字曰王文開那生得如馨

兒如馨猶言如此楊升菴曰馨字晉人以為語助詞王衍傳何物老嫗生此寧馨兒世說劉真長語桓溫曰使君如馨地寧或戰鬪求勝王導與何

次道語舉手指地曰正自爾馨王朗之雪中詣王

螭持其符螭撥其手曰冷如鬼手馨強來捉人臂  
劉惔譏殷浩曰田舍兒強學人作爾馨語合此觀  
之其為語助詞了然唐劉禹錫詩幾人猛省得寧  
馨得晉人語意矣宋史李師中傳師中始事州  
縣邸狀報包拯參知政事或云朝廷自此多事矣  
師中曰包公何能為今知鄞縣王安石者眼多白  
甚似王敦他日亂天下必  
斯人也後二十年言乃信後漢許劭字子將汝

南平輿人少持名節好人倫多所賞識嘗到潁川  
多長者之遊唯不候陳寔又陳蕃喪妻還葬鄉人  
畢至而劭獨不往或問其故劭曰太邱道廣廣則  
難周仲舉性峻峻則少通故不造也其多所裁量  
若此曹操微時嘗卑辭厚禮求為己目劭鄙其人  
而不肯對操乃伺隙脅劭劭不得已曰君清平之

李氏蒙求集註 卷一

吳

姦賊亂世之英雄操大悅而去初劭與靖俱有高  
名好共覈論鄉黨人物每月輒更其品題故汝南

俗有月旦評焉蜀志曰許靖字文休少與從弟劭

情不協劭為郡功曹排擯靖不得齒綬以馬磨自

給海內先賢傳曰劭虔弟也山時淵淳行應規

表邵陵謝于微高才遠識見劭十歲時歎曰此乃

希世之偉人也初劭拔樊子昭於市肆出吏承賢

於容舍召李叔才於無聞擢郭子瑜於小吏廣陵

徐孟本為臨汝南聞劭高名召為功曹時袁紹以

公族為濮陽長棄官還劭副車從騎將入郡界乃歎

曰許子將秉持清格豈可以吾輿服見之耶遂單

馬而歸辟公府掾致辟皆不就避地江南卒於豫

章也汝南先賢傳曰謝甄字子微汝南邵陵人

明識人倫雖郭林宗不及甄之鑒也見許子將弱

冠時則曰平輿之淵有二龍焉仕為豫章從事許

虔字子政體尚高潔雅正寬亮子微兄而歎曰若

子政者幹國之器也虔弟劭聲未發時時人以爲

不如虔虔恒撫髀稱劬自以為不及也釋褐為祇  
功曹黜奸發惡一郡肅然年三十五卒世語曹  
公少時為諸生未知名也喬元異之謂曰天下方  
亂非命世之才不能濟也撥而理之豈在君乎命  
造許子將子將納焉嘗問子將我何如人固問乃  
答曰治世之能臣亂世之奸雄也續漢書曰元  
字公祖梁國睢陽人累遷尚書令嚴明有才畧長  
於知人魏氏春秋曰武王姿貌短小而靈與反  
發故里時正嚴冬單衰跣足州里人物由是敬慕  
葬陵豪族有崔諶者僕射之兄因休假還鄉車  
之博陵豪族有崔諶者僕射之兄因休假還鄉車  
服甚盛將從其宅詣德林赴弔相去十餘里從者  
數十騎稍稍滅雷比至德林門財餘五騎云不得  
令李生怪人燠灼北史盧元傳懷仁有行檢善  
與人交與琅琊王衍隴西李壽之情好相得嘗語  
衍云昔太邱道廣許劭知而不顧嵇生峭立鍾會  
遇而絕言吾處季孟之間去其  
太甚衍以為然按懷仁元孫

賀循儒宗孫綽才冠

李氏蒙求集註卷一

吳

晉賀循字產先山陰人節操清厲元帝渡江凡典

禮皆循所定為當世儒宗居舍僅庇風雨上嘗造

訪之歎曰清至此乎賜以床簟循別傳曰循本姓慶高祖純避漢安

帝父諱改為賀氏父邵吳中書令以忠正見害循少嬰家禍流放荒裔吳平乃還乘節高舉元帝為

安東王循為晉孫綽字興公楚之孫博學善屬

文嘗作天台賦辭致甚工初成以示友人范榮期

云卿試擲地當作金石聲也榮期曰恐此金石非

中宮商然每至佳句輒云應是我輩語綽少以文

才垂稱於時文士綽為之冠歷官著作郎世說畧

書曰范啟字榮期慎陽人父堅護  
軍啟以才義顯於世仕至黃門郎

太叔辨洽摯仲辭翰

世說太叔廣甚辨洽而摯仲治長於翰墨俱為列

卿每至公坐廣談仲治不能對退著筆難廣廣又

不能答廣晉宗室屬王隱晉書曰太叔廣字季

子孫多在洛慮害乃自殺摯虞字仲治京兆長安

人祖茂秀才父模太僕卿虞少好學師專皇甫謐

善校練文義多所著述歷祕書監太常卿從惠帝

至長安遂流離鄠杜間性好博古而文籍蕩盡永

嘉五年洛中大饑遂餓而死虞與廣名位畧同廣

長口才虞長筆才廣無可紀虞多所錄於斯為勝

也晉書摯虞傳云虞性愛士人有表薦者恒為

之詞東平太叔廣樞機清辨廣談虞不能對虞筆

廣不能答更相嗤笑紛然於世云尹請潘岳為表

潘云可作耳要當得君意樂為書已所以為讓標

位二百許語潘直取錯綜便成名筆時人咸云若

李氏蒙求集註卷一

平

樂不假潘之文潘不取樂之旨則無以成斯美

殷浩傳浩與叔父融俱好老易融與浩口談則辭

屈著篇則融勝浩

山濤識量毛玠公方

文選任昉為范雲讓吏部封侯表曰夫銓衡之重

關諸隆替遠惟則哲在帝猶難漢魏以降達識繼

軌雅俗所歸唯稱許郭拔十得五尚曰比肩其餘

得失未聞偶察童幼天機暫發顧無足算在魏則

毛玠公方居晉則山濤識量以臣況之一何遼落

晉山濤字巨源河內人器量不羣武帝朝為吏部

尚書每缺一官輒啟擬數人濤所奏甄拔人才各

為題日時稱山公啟事虞預晉書曰濤父曜寬

旬令濤少有器量年十七宗人謂先帝曰濤當與

景文共綱紀天下者也帝戲曰卿小族那得此快  
 人耶好老莊與嵇康善為河內從事與石鑿共傳  
 宿濤夜起躡鑿曰今何等時而眼耶知太傅臥何  
 意鑿曰宰相三日不朝與尺一令歸第君何慮焉  
 濤曰啗石生無事馬蹄間也投傳而去果有曹爽  
 事遂隱身不交世務累遷吏部尚書僕射太子少  
 傅司徒諡康侯世說山司徒前後選殆周遍百  
 官舉無失才凡所題目皆如其言唯用陸亮是詔  
 所用與重朝望年逾七十猶亮亦管時任貴勝少  
 公和裴王之徒竝共宗詠有署閣柱曰閣東有大  
 牛和嶠裴楷鞞王濟別翹不得休或云潘尼作  
 之作王隱晉書曰初濤領吏部潘岳內非之密為  
 得休閣東有大牛王濟鞞裴楷鞞和嶠刺促不  
 是言竹林七賢論曰濤之處選非望路絕故貽  
 賜翹不得休又不知出於何書也翹音攬文士  
 傳曰翹以文叔樂陽人祖清尚書左丞父滿平原  
 太守竝以文學稱尼少有清才文詞溫雅初應州  
 辟終太常卿魏志毛玠字孝先陳留平邱人為

東曹掾與崔琰竝典選舉所進皆清正之士以儉  
 率人天下之士莫不以廉節自勵雖貴寵之臣與  
 服人不敢過度太祖歎曰用人如此吾復何為哉  
 為尚書復典選舉時太子未定植有寵玠密諫後  
 羣賚會玠起更衣太祖目指曰此古所謂國之司  
 直我之周昌也孫綽子或問雅俗曰判風流正  
 謂雅俗矣習鑿齒襄陽者舊傳曰麗統為郡功  
 曹性好人倫每所稱述多過其中人怪問之統曰  
 方欲與長道業不美其稱可以崇邁世教使有志  
 今拔十失五猶得其半而策曰淳于髡一曰而見七  
 自厲不亦可乎戰國策曰淳于髡一曰而見七  
 人宣王曰寡人聞千里一士是比肩而至也今予  
 一朝而見七人亦眾乎魏志曰王修識高柔  
 於弱冠異王基於幼童梁書何點傳點雅有  
 倫識見多所甄拔知吳興邱遲於幼童稱濟陽江  
 淹於寒素悉如其言魏書崔挺傳初崔光之在  
 貧賤也挺贍遺衣食常親敬焉又識邢巒北齊書  
 童稚之中竝謂終當遠致世稱其知人而奇之曰  
 邢邵傳年五歲魏吏部郎清河崔亮見而奇之曰

此子後當大成位通顯十歲便能屬文雅有才思  
聰明疆記日誦萬餘言族兄巒有人倫鑒謂子弟  
日宗室中有此兒非常人也世說袁彥伯曰江  
上遼落居然有萬里之勢魏志曰盧毓字子家  
十歲而孤以學行稱仕魏至侍中吏部尚書時舉  
中書郎詔曰得其人與不在盧生耳選舉莫取有  
名名如畫地爲餅不可啖也毓對曰名不足以致  
異人而可以得常士常士畏教慕善然後有名也  
吳志曰平原陶邱洪薦繇欲令舉茂才刺史曰  
前年舉公山奈何復舉正禮洪曰若使明君用公  
山於前擢正禮於後所謂御二龍於長途騁騏驥  
於千里不亦可乎繇劉繇字正禮父方方寵弟公  
山岱字繇之兄

### 袁盎卻座衛瓘撫床

前漢袁盎字絲其父楚人也孝文卽位以盎兄噲  
任爲郎中上幸上林皇后慎夫人從其在禁中嘗

李氏蒙求集註

卷一

三

同坐及坐郎署長布席盎引卻慎夫人坐夫人怒  
上亦怒盎因前曰臣聞尊卑有序則上下和今陛  
下旣已立后慎夫人乃妾妾主豈可同坐哉且陛  
下幸之則厚賜之陛下所以爲慎夫人適所以禍  
之也獨不見人斃乎上乃悅入語夫人夫人賜盎  
金五十斤呂后旣殺如意遂斷戚夫人手足去眼  
輝耳飲瘖藥使居廁中命曰人斃召惠  
帝觀帝驚曰此非人晉衛瓘由侍中遷司空惠  
帝所爲遂病不能起

帝之爲太子也朝臣咸謂純質不能清政事瓘每  
欲陳啟廢之而未敢發會宴陵雲臺瓘託醉因跪  
帝床前曰臣欲有所啟帝曰公所言何耶瓘欲言

而止者三。因以手撫床曰：此座可惜。帝意乃悟。因  
僞曰：公真大醉耶。璿於此不復有言。賈后由是怨  
璿。晉陽秋曰：帝後悉召東宮官屬大會。令左右齎  
璿尚書處事以示太子。令處決賈妃。倩外人代對  
多引古義。給事張滋曰：太子不學陛下所知。不知  
直以意對。妃從之。滋卽具草。令太子書呈。帝大悅。  
由是怨璿。後遂誅之。說文：璿老奴。幾敗汝家。妃  
兵守也。而兵守者危也。音幽。說文：微也。元包  
經：微也。音卒。飄。風傳：微也。音幽。說文：微也。元包  
終能強盛也。飄音休。驚風。東坡史評：此何等語  
乃於眾中言之。豈所謂不密失身者耶。以璿之智  
不宜闔此。此殆鄧艾之冤。天奪其魄耳。

### 于公高門曹參趣裝

前漢于定國字曼倩。東海郟人。其父于公爲縣獄

李氏蒙求集註

卷一

五

吏郡決曹決獄。平所決皆不恨。郡中爲之立生祠。  
其門閭壞。父老共治之。公曰：少高大門閭。令容駟

馬高蓋車。我決獄多陰德。未嘗有所冤。子孫必有

興者。至定國爲丞相。子永爲御史大夫。定國爲廷尉時決疑

平法加審慎之心。朝廷稱之曰張釋之。爲廷尉。天

下無冤民。于定國爲廷尉。民自以不冤。後漢光

武紀：廷尉秦官。聽獄必質於朝廷。故曰廷尉。尉平

也。王賀字翁孺。爲繡衣御史。逐捕盜賊。吏當坐

者。翁孺皆縱不誅。嘆曰：吾聞活千人。封子孫。吾所

活萬餘人。後世其興乎。後生孫女。乃元成皇后也。  
前漢曹參。沛人也。高祖六年。與諸侯剖符賜參爵。列侯食邑。平陽孝惠元年。以參爲齊丞相。相齊九年。齊國安集。大稱賢相。蕭何薨。參聞之。告舍人

趣治行吾且入相居無何使者果召參參代何爲相國舉事無所變更一遵何之約束相國三年薨

諡曰懿侯百姓歌之曰蕭何爲法講若畫一曹參

代之守而勿失載其清靖民以寧壹史記講作韜整也一作較

傳曰曹參爲漢相日夜飲醇酒卿大夫已下吏及賓客見參不事事來者皆欲有言參輒飲以醇

酒聞之欲有所言復飲之醉而後去曹參字伯敬見張華博物志揚子或問蕭曹曰蕭也規曹

也隨注蕭何規創於前曹參奉隨於後宋熙寧初張侍郎授以二府成詩賀王文公公和曰功謝

蕭規懶漢第恩從隗始託燕臺示陸農師陸曰蕭規曹隨高帝論功蕭何第一皆據故事而從隗始

初無恩字公咲曰千善問也韓退之鬪雞聯句傳恩懶隗始若無據豈當對功字耶北史蘇瓊傳

除南清河太守瓊性清慎道人道研爲濟州沙門統資產巨萬在郡多出息常得郡縣爲徵及欲求

李氏蒙求集註卷一

謁度知其意每見則談問元理研雖爲責數來無由敬口其弟子問故研曰每見府君徑將我入青

雲間何由得論地上事師徒還歸遂焚責券

### 庶女振風鄒衍降霜

淮南子覽冥訓庶女叫天雷電下擊景公臺隕高

誘注庶賤之女齊之寡婦無子不嫁事姑謹敬姑

無男有女女利母財令母嫁婦婦益不肯女殺母

以誣寡婦婦不能自明冤結叫天天爲作雷電下

擊景公之臺隕壞也文選江文通詣建平王上書云

昔者賤臣叩心飛霜擊於燕地庶女告天振風襲

於齊臺漢書于定國傳其父于公爲郡決曹東海有孝婦養姑甚謹姑欲嫁之終不肯婦謂



隣人曰孝婦事我勤苦哀其無子守寡我老从累  
丁壯奈何其後姑自誣服具獄上府于公以爲此婦  
孝婦驗治孝婦自誣服具獄上府于公以爲此婦  
以孝聞必不殺也太守不聽于公爭之弗能得乃  
抱其具獄哭于府上太守竟論殺孝婦郡中枯旱  
三年後太守至殺牛自祭孝婦塚因表其墓天立  
大雨後漢孟嘗字伯周會稽上虞人仕郡爲戶  
曹史上虞有寡婦厭苦供養姑姑年老壽終夫女弟  
先懷嫌忌乃誣婦厭苦供養姑姑年老壽終夫女弟  
郡不加察遂結竟其罪嘗先知冤死備言之於太  
守太守不爲理嘗泣外門因謝病去殷丹到官  
自是郡中連旱二年禱請無獲後太守殷丹到官  
訪問其故嘗詣府具陳寡婦冤誣之事因曰昔東  
海孝婦感天致旱于公一言甘澤時降宜戮訟者  
以謝冤魂庶幽枉獲申時兩可期丹從之卽刑訟  
女而祭婦墓天應澍雨舊唐書顏真卿傳爲監  
察御史充河西隴右軍試覆屯交兵使五原有冤  
獄久不決真卿至立辯之天方旱獄決乃雨郡人  
呼爲御  
史記孟子傳鄒衍適梁惠王郊迎適趙

李氏蒙求集註

卷一

臺

平原君側行襪席如燕昭王擁尊前驅請列弟子  
之座而受業築碣石宮身親往師之 文選江文

通上書注淮南子云鄒衍事燕惠王盡忠左右譖

之王繫之獄衍仰天大哭正夏五月天爲降霜按

淮南子本無此文覽冥訓云昔者師曠奏白雪之  
音而神物爲之下降風雨暴至平公瘡病晉國赤  
地庶女叫天雷電下擊景公臺隕支體傷折海水  
大出衍齊人葦帚也通簞惠王昭王子 劉向別  
錄燕有谷地美而寒不生五穀  
鄒衍吹律而暖氣至今名黍谷

范丹生塵晏嬰脫粟

後漢獨行傳范丹字史雲陳畱外黃人桓帝以爲

萊蕪長遭母憂不到官又欲爲侍御史因遁逃梁

沛開賣卜繼遭黨錮乃結草室而居有時絕粒言

貌無改閭里歌之曰甌中生塵范史雲釜中生魚

范萊蕪丹或作冉 袁山松書曰冉去官嘗使兒

道冉後知卽令并送六斛史記晏嬰字平仲萊

之夷維人事靈公莊公景公以節儉力行重於齊

既相食不重肉妾不衣帛 晏子春秋晏子相景

公衣十升之布食脫粟之食炙三弋五卵苔菜而

已公聞之往燕焉睹晏子之食也公曰夫子之家

如此其貧乎而寡人不知寡人之罪也晏子對曰

以世之不足也脫粟之食飽士之一乞也炙三弋

士之二乞也五卵士之三乞也嬰無倍人之行而

有參士之食君之賜厚矣嬰之家不貧再拜而謝

宋張清源雲谷雜紀云飲茶不知起於何時歐陽

公集古錄跋云茶之見前史蓋自魏晉以來有之

于按晏子春秋嬰相齊景公時食脫粟之飯炙三

弋五卵茗菜而已又漢王褒僮約有五陽買茶之

語則魏晉以前已有之矣原注讀晏子春秋者多

疑此文闕誤予後見太平御覽茗事中亦載此其

文正同初非闕誤也按五卵作五御覽茗事作

之說至於苔菜作爲茗菜且引太平御覽茗事作

證則苔菜也苔菜之何者爲是未敢妄論又按乞

李氏蒙求集註卷一

羹

或膳清者誤以草足爲乞字亦未可定若照足字似乞

講庶與上文相連屬請以質之博識者爾雅釋

木檟茶苦注樹小如梔子冬至葉可作羹飲野客

叢書世謂古之茶卽今之茶不知茶

有數種惟檟茶之茶卽今之茶也

詰汾興魏鼈靈王蜀

北齊僕射魏收魏書帝紀聖武皇帝諱詰汾初帝嘗田於山澤頻見輜輶自天而下既至見美婦人侍衛甚盛異而問之曰我天女也遂同寢宿旦請還曰明年周時復會此處言終別去及期果復相見天女以所生男授帝曰此君之子也善養視之子孫相承當世為帝王語訖而去子即世祖也故時人語曰詰汾皇帝無婦家力微皇帝無舅家

輶車前衣車後為輜北史曰魏收字伯起小字佛助鉅鹿下曲陽人少機警不持細行隨父在邊好習騎射後折節讀書以文華顯除大學博士至中書監齊天保中詔魏收修魏書收納金增減

李氏蒙求集註

卷一

七

善惡且黨北朝賤江左於時眾口喧然號為穢史

漢大中大夫揚雄蜀

王本紀望帝以鼈令為相荆人鼈令死其尸流亡

隨江水至上至成都見蜀王杜宇杜宇立以為相杜

宇號望帝自以德薄不及鼈令以其國禪之號開

明帝華陽國志云周失紀綱蜀先稱王有蜀侯鼈

後有王曰杜宇教民務農一號杜主時朱提有梁氏女利遊江源宇悅納以為妃杜國稱王杜宇

稱帝號曰望帝更名蒲卑會有水災其相開明決

玉壘山以除水害帝遂委以政事法堯舜禪授之

義遂禪位於開明帝升西山隱焉時適二月子鵲

鳥鳴故蜀人悲子鵲鳥鳴也蜀志望帝稱王於

後數歲禪位於鼈靈望帝化為鳥名曰杜鵑亦曰子規

規成都記望帝死其魂化為鳥名曰杜鵑亦曰子規說文云蜀王淫其相妻漸亡去為子鵲鳥故

蜀人聞子嵩鳥鳴皆起曰望帝嵩戶圭切或曰嵩

周爾雅亦云嵩周子嵩鳥也按鼈靈相蜀或謂

其死而復生或謂以慚淫其妻立說不同故並錄之

德薄不及或謂以慚淫其妻立說不同故並錄之

活既出平復如舊魏郭后愛憐之錄著宮內常置

左右問漢時宮中事說之了了皆有次序后崩哭

泣過禮遂死焉又漢末廢范友明家奴猶活友明

霍光女聾說光家事廢立之際多與漢奴相仿此

奴常游走民間無止住處今不知所在或云尚在

余聞之於人可信而曰不可見也西上後為蜀帝自

志曰世俗云荆人鼈靈死屍化西上後為蜀帝自

古以來未聞死者能更生當世或遇有之則為怪

異子所不言况能為帝王乎聞甫氏曰道將所

言自是常理然天下奇奇怪怪之事儘有人所道

不及者若以鼈靈之事不可信則張茂先所志不

亦駭人聽聞乎六合之內論而不議可也顧愷

之敬蒙注曰魏時人有開周王冢者得殉葬女子

經數日而有氣數月而能言年可二十送詣京師

郭太后愛養之十餘年太后崩哀思哭泣一年餘

而死見魏明帝紀注意此與博物志所載畧同而

不同者所發之冢也世語曰并州刺史畢軌送

漢故度遼將軍范友明鮮卑奴年三百五十歲言

語飲食如常人奴云霍顯光後小妻友明妻光前

妻女見魏明帝紀注意此與博物志所載畧同而

四年武陵女子死十四日復活注續漢志曰女子

李娥年六十餘死產於城外有人聞冢中有聲告

家人出之傅子曰時太原發冢破棺棺中有一

生婦人將出與語木人可也送之京師問其本不

知也視其冢上樹生人也送之京師問其本不

歲常生於地中耶將一朝夕生偶與發冢者會也

三年三月初十日大雨塚壞其子衰移葬開棺心

有煖氣良久乃謂衰曰我已生一年無因汝知九

江神知我橫死遣地神以乳飼我故不死今雨壞

我塚亦江神所為扶出更生三十年陸游老學

菴筆記吳人謂杜宇為謝豹杜宇初啼時漁人得

蝦曰謝豹蝦市中賣筍曰謝豹筍唐顧況送張翥

尉詩曰綠樹村中謝豹啼若非吳人殆不知謝豹

爲何物也

不疑誤金卞和泣玉

前漢直不疑南陽人也爲郎事文帝同舍有告歸者誤持其同舍郎金去已而同舍郎覺亡意不疑

不疑謝有之買金償之後告歸者至而歸金亡金

郎大慚以此稱爲長者後漢卓茂時嘗出行有人認其馬茂心知其謬嘿解

與之顧曰若非公馬幸至丞相府歸我他日馬主則得亡者乃詣府送馬叩頭謝之茂性不好事如

此又劉寬嘗行有人失牛者乃就寬車中認之寬無所言下駕步歸有頃認者得牛而送還叩頭

謝曰慙負長者隨所刑罪寬曰物有相類事容脫誤幸勞見歸何爲謝之州里服其不校劉

向新序卞和荆人也遊荆山得璞玉獻之荆厲王

李氏豪求集註卷一

堯

王以爲謾剛其左足又獻武王王以爲謾剛其右

足共王立和乃抱璞哭於荆山卅三日三夜泣繼

以血王聞而問之對曰寶玉而名之以石貞士而

戮之以謾此臣所以悲也王乃使玉人理其璞而

得寶焉故號之曰和氏之璧雲谷雜紀按楚世家熊通自立爲武王是

楚之王自熊通始初無所謂厲王者或卽其兄蚡

冒耶姑置勿論且以武王卽位之年言之是歲爲

周平王之三十一歲在辛丑至文王初卽位之

年壬辰已五十二年矣若加以厲王當不止於此

雖三獻不應歷年如是之久疑有舛誤處然此事

見於他書者亦多異同新序無文王而有共王淮

南子注及前漢鄒陽竝後漢孔融及陳元三傳注

俱無厲王而有成王又趙壹傳注引琴操又有懷

王及武王至共王已六世幾於百年平王在懷王

之前相去甚遠初非父子此乃謬妄顯然者  
甫氏曰斯紀考論可謂詳矣但謂楚之王自熊  
始則不然按楚世家熊渠生子三人當周夷王  
之時王室微諸侯或不朝相伐渠甚得江漢民和  
乃興兵伐庸揚粵至於鄂渠曰我蠻夷也不與中  
國之號諡乃立其長子康為句亶王中子紅為鄂  
王少子執疵為越章王及周厲王暴虐熊渠畏其  
伐楚亦去其王應傳至蚡昌昌弟熊通弑昌子而  
代立是為楚武王隨人為之周請尊楚王室不聽  
熊通怒曰吾先鬻熊文王之師也早終成王舉我  
先公乃以子男田令居楚蠻夷皆率服而王不  
位我自尊耳乃自立為楚王是楚之王啟自熊渠  
通特再僭王耳

檀卿沐猴謝尚鵠鵠

前漢蓋寬饒傳寬饒字次公魏郡人也宣帝時為  
司隸校尉舉刺無所迴避京師為清平恩侯許伯

李氏彙求集註

卷一

李

入第丞相御史將軍中二千石皆賀寬饒不行許  
伯請之乃往從西階上東鄉特坐許伯自酌曰蓋  
君後至寬饒曰無多酌我我乃酒狂丞相魏齊咲  
曰次公醒而狂何必酒也坐者皆屬目卑下之酒  
酣樂作長信少府檀長卿起舞為沐猴與狗鬪坐  
皆大笑寬饒不說印視屋而歎曰美哉然富貴無  
常忽則易人此如傳舍所閱多矣惟謹慎為得久  
君侯可不戒哉因起趨出劾奏長信少府以列侯

而沐猴舞失禮不敬上欲罪少府許伯為謝良久

上乃解通鑑唐紀二十一年秋七月周以楊再思為內史再思為相專以諛媚取容司禮少

卿張同休易之之兄也嘗召公卿宴集酒酣戲再  
思曰楊內史面似高麗再思欣然即剪紙帖巾反  
披紫袍爲高麗舞舉坐大咲揚升菴曰蓋姓有  
二漢蓋寬饒蓋勳音蓋唐蓋文達蓋蘇文蓋嘉運  
音踏史記項羽紀人言楚人沐猴而冠耳果然

穎秀辨悟絕倫脫畧細行王導深器之辟爲掾始

到府通謁導以其有勝會謂曰聞君能作鵠鶴舞

一坐傾想寧有此理否尚曰佳便著衣幘而舞導

令坐者撫掌擊節尚俯仰在中旁若無人其率詣

如此尚字仁祖陳郡人語林曰謝鎮西酒後於紫  
案間爲洛市肆工鵠鶴舞甚佳鵠一作鸚

鸚鵡又名入哥幽明錄曰五月五日剪其舌端使  
圓教令學語能人言世說王長史謝仁祖同爲

王公採長史云謝掾能作異舞謝便起舞舞意甚  
暇王公熟視謂客曰使人思安豐注戎性通任尚

李氏蒙求集註卷一

李

甚類之晉陽秋曰尚韶亂喪兄哀慟過人及遭  
父喪溫嶠唁之尚號叫極哀既而收涕告訴有異

常童嶠奇之由是知名仕

至鎮西將軍豫州刺史

蒙求第一卷補註

上已

正月也見續博物志今知上已不知上長

諸葛

風俗通曰葛嬰為陳涉將軍有功而誅孝文帝

不

同追錄封其孫諸葛侯因竝氏焉此與吳書所說

葛氏

又諸葛有庶氏之後為詹葛氏齊人語訛以詹

李瀚

詳宋史李濤傳後玉壺清話李瀚及第於相

旨

適當批詔次日於玉堂輒開和相舊閣悉取圖

鳳書

器玩唾一詩於榻攜之盡去詩曰座主登庸歸

蕩陰

郡國志臨淄縣東有陰陽里即諸葛武侯梁甫

蕩陰

吟云步出齊東門遙望陰陽里云云今樂府作

蒙求補註

卷一

于闐

王晉平居誨為張鄴使于闐判官作行程記云

于闐

界乃流為三隨流而玉河綠水退乃可采之

傾蓋

孟本傳謂孟子受業於子思弟子之門人此為實

文

衍錄自漢藝文志本註云子思弟子之門人此為實

孟

問答之語竝誤案孔子卒於周敬王四十二年

孟

伯魚卒已五年而子思為喪主知其年與子

温大

雅新唐書初顏中林春博孟一年矣安得與子

典

校祕閣顏以學業優

賈誼

秀才趙武靈王論胡服云俗辟民易則是吳越

傳

六朝遂以秀才也秀才之名始此後再見於賈誼



築臺

會稽曲錄盛憲字孝章素有名孫策深忌之

公誠能

造一介之使加尺之書則孝章可致友

道可宏也

昭王築臺以尊郭隗隗雖小才而逢大

遇竟能發

明主之心故樂毅自魏往云春秋莊

三十一

年春築臺於郎夏築臺於薛秋築臺於秦

傳二十

二年初公築臺臨黨於又襄十七年宋

皇國父

為太宰為平公築臺妨於農收子罕請侯

農功之畢

公弗許

釋道安

安和尚傳曰釋道安者常山薄柳人本姓衛

甚重之

值石氏亂於陸渾山木食修學為慕容駿

所逼乃住

襄陽以佛法東流經籍錯謬更為條章

林等皆宗

其理無疾而卒道

隆準

高祖隆準而龍顏準劣切音

白石煮食

石可服食玉亦可餐如北齊李預居長安

蒙求補註

卷一 二

後身

張讀宣室志唐故劍南節度使太尉兼中書令

甚陋不召

而韋氏家召羣僧會齊有一胡僧貌

既食韋氏

命乳母出嬰兒請羣僧祝其壽胡僧忽

白升階謂

嬰兒曰別久無恙乎嬰兒若有喜色眾

皆異之

韋氏先君曰此子生纔一月吾師何故言

胡僧曰此

子乃諸葛武侯之後身也韋氏固問之

之季為蜀

丞相蜀人受其賜且久今降生於世當

友善今聞

生於韋氏吾故不遠而來韋氏異其言

因以武侯

字之後韋氏自左金吾節制劍南軍累

遷太尉兼

申書令門下在蜀

十八年

果契胡僧之語也

捧檄

魏文奏事若有急則插以雞羽謂之羽檄

急就篇

漢書注史游元帝時為黃門令凡書三十二

者謂字之難知者

子規 規啼也故名謝去女恨甚後聞子規啼則其人聞子

為蜀望帝魂所化左太冲蜀都賦云鳥生望帝之

魂杜宇者望帝也杜少陵詩云古時杜宇稱望帝

觀華陽國志云蜀王杜宇號望帝好稼穡治郫遂

會國有火災其相開明決玉山壘山好稼穡治郫遂

禪位於開明曰望帝遂號子規為杜鵑蓋鵑為捐

棄之意也其實非魂化之 子規之意也其實非魂化之

謂語出丹稜彭遵泗蜀故 謂語出丹稜彭遵泗蜀故

和氏璧 東方朔七諫怨世篇楚人之和氏兮獻寶玉

不察視又斷其右足暨成王乃使工人攻之果得

美玉世所謂 美玉世所謂

蒙求補註 卷一 三

卧龍 稽康傳鍾會言於文帝曰嵇康卧龍也

磻溪 水經注在河南汲郡西北又史記正義

太公 廣輿記太公釣臺在直隸南皮縣相傳姜太公

水經注汲城北有太公泉 水經注汲城北有太公泉

三鱣 廣輿記河南閿鄉縣 廣輿記河南閿鄉縣

謝安 通志湖州府謝安宅即善溪館廣輿記

王珣 廣輿記王珣別墅即江蘇 廣輿記王珣別墅即江蘇

銅柱 通志湖廣永順府保靖縣銅柱馬援立又廣東

支磯石 廣輿記在成安府東按今之滿城有支

傾蓋 通志山東剡城縣有傾蓋亭孔子遇程子處

亡羊 莊子臧與穀二書問穀奚事則博塞以遊二人者事業不同其於亡羊均也

賈誼 廣輿記賈誼故宅在湖南長沙府內

漆園 通志歸德府南小蒙城內莊子為漆園吏即此廣輿記鳳陽府定遠縣相傳莊周作吏於此又

鮑靚 廣輿記廣東羅浮山上相傳亦莊周為吏處

死劉楨 諸葛亮屯五丈原病作有大星墜營中亮知儀反旗鳴鼓懿懼退走百

棄金 廣輿記棄金坡在山東安邱縣華歆棄金於此

蒙求補注 卷一 四

魏收 按收撰魏書以愛憎為褒貶自謂舉之則使升以譴之則使入地納爾朱之金而滅榮之罪人

杜鵑 埤雅杜鵑一名子規苦啼啼血不止一名怨鳥懸於樹蜀記昔有人姓杜名字王蜀號曰望帝

脩禊 禊也劉楨魯都賦素秋二七天漢指隅人胥禊禊也西京雜記

除妖 高祖與戚夫人正月十四日此秋禊也西京雜記除妖邪三月上巳張樂於流

太山 史記管仲曰古者封泰山禪梁父者

卞和 楚武王 莊王 康王 穆王 共王 靈王 昭王 威王

頃襄王  
考烈王

幽公

懷王

鄒行論衡感虛篇傳書言鄒衍無罪見拘於燕當夏五月仰天而歎天為隕霜樂府陳思王鞏舞歌精微篇鄒衍囚燕市繁霜為夏零按此事古人引用不知淮南子何以無此文或書有古本今本之異耶

謝尚鸚鵡

禮鸚鵡能言相傳舌尖有壳用手細細捻去自然能言蓋即剪去舌端之意

蒙求補注

卷一

五



